

49  
P. o. germ.

189

P



# Swineges's



## LEBENSLOOP und ENDE.

Ein plattdeutsches komisches Volks-Epos in 13 Kapiteln mit Holzschnitten

von

**Dr. Wilhelm Schröder,**

Verfasser des plattdeutschen Volksmärchens „Dat Bettloopen twischen den Haasen un den Swineges  
up de lütje Halde bi Burtehuus“.

Hannover, Schmolé & von Seefeld, 1867.



**Swinegel's**  
**Lebensloop un Enne**  
**in'n Staate Nussrika.**

Ene putige plattdütsche Historie in dörtrin Kapitteln mit Bildern,


schreven

von

**Doctor Willem Schröder,**

denfölvigten, de ook „Dat Wettloopen twischen den Haasen un den Swinegel“  
maaket heft.

**Hannover,**  
**Schmorl & von Seefeld.**  
**1867.**



Uebersetzungen dieses Buches in fremde Sprachen, auch ins Hochdeutsche, sind nur mit  
Genehmigung des Verfassers gestattet.

## Vorwortliches.

„Wenn aber nun Kurtzweil und Freud  
Ist des Gemüts Artzney vor Freud,  
So hab ich so mehr wollen schreiben  
Vom Fachen als viel Meinens treiben:  
Bedacht, dass Fachen in all krafft  
Ist dess Menschen recht eigenschafft:  
Und so ein Autor je wird gerühmet  
Dass er den Nutz mit Süß verblümet,  
So ist dies Fach nicht zu berachten  
Nur weil es auch dahin thut trachten.  
— — — — —

Und gleich wie Schlaf dem Leib wohl thut,  
So kompt kurtzweil dem Gemüt zu gut.  
Drumb les es nun du fröhlich Blut,  
Ob es dir geh ein frischen Muth.“

Zus: Fischart „Kunthenerliche  
Kuppengeheuerliche Geschichtsklitterung“  
gedruckt 1617.

Mit diesen Worten des altdeutschen Humoristen und Satyrikers als „Motto“ sich rührend gegen verkehrte Deutelei, übergebe ich hiemit meinen „Zwinger“ den deutschen Lesern, wünschend, daß selbiger die Leser ebenso erheitern möge, wie er bisher einige Tausend Hörer erheiterte in den öffentlichen Vorlesungen, welche ich, seit seiner Fertigwerdung im Manuscript Ende d. J. 1865, hier u. a. D. gehalten habe. Die Genesiß des Werkleins ist die, daß ich im Jahre 1840 für mein derzeit neubegründetes „Hannob. Volksblatt“ (S. Jahrg. I. Nr. 51.) das plattdeutsche Märchen „Das Wettloopen

zwischen den Hasen und den Swinegel up de lütje Gaide bi Buxtehude" schrieb, wozu ich gleich darauf eine Nummer an Prof. Dr. Firmenich schickte, welcher auch das Märchen in sein berühmtes Sprachschätzwerk „Germaniens Völkertimmen“ (unter Bezeichnung meiner Autorschaft davon) aufgenommen hat. Es fand nun „Dat Wettloopen 2c.“ bald so allgemeinen Beifall, daß ich veranlaßt ward, davon im Jahre 1845 eine Separat-Ausgabe (in Commission der Helwing'schen Hofbuchhandlung hier), ausgeflattet mit drei Verzeichnissen und einer obligaten Vorrede, erscheinen zu lassen. In letzterer sprach ich den unterst entworfenen Plan, einen „Verenslauf Swinegel's“ demnächst zu schreiben, bereits aus, bestimmter noch 1857 in einer zu Leipzig (in Naumburg's Wahlstetel) veröffentlichten Reclamation meines — durch viele Nachdrucker, Sammler 2c. ausgewirkelten Autorrechts am Märchen „Dat Wettloopen 2c.“ Ende 1865 ist denn das Ding, wie es hier jetzt vorliegt, fertig geworden. Ich habe zu seiner Einführung und Rechtfertigung weiter nichts zu sagen als: es ist ein Volksbuch und sollte auch nicht mehr und nicht minder als ein Volksbuch sein. — Was seine Form anbelangt und Styl, so nehme ich dafür dieselbe Freiheit der Schreibweise in Anspruch, wie solche z. B. das alte Volksbuch „Martolfus und König Salomo“ (selbst in den neueren Ausgaben der Professoren v. d. Hagen und Simrock) aufweist, ferner der alte Eulenspiegel, dergleichen noch die neueste plattdeutsche Ausgabe des Meinel'schen Bod van Karl Tann (Bremen, bei Strack 1861) mit dessen Plattdeutsch, wie es in Bremen, Ostfriesland, Nord-Hannover, Holstein, Hamburg, mit wenig Abweichungen, gesprochen wird, auch das Plattdeutsch des „Swinegel's“ fast ganz übereinstimmt. — Sollten übrigens, trotzdem, doch noch empfindsame Kritiker mir die Derbheit einiger Ausdrücke in meinem Swinegel aufmucken wollen, so berufe ich mich hier nun auf weiter nichts mehr, als auf die Gebrüder Grimm, in deren Vorwort es im Buchstaben A an betreffender Stelle wörtlich heißt: „A.... In einer Anzahl von derbkraftigen, oft sinnreichen und poetisch gewandten Redensarten des Volks, welche die feine Welt scheu abweist, spielt dieß Wort eine Hauptrolle; viele derselben sind so alt, auch unserer Sprache gemein mit andern, daß sie hier nicht übergangen werden dürfen. Das Alterthum war natürlich und gerade heraus, heute hält man für anständig sich nur abgezogener Ausdrücke zu bedienen, wie das Gefäß, der Siger u. s. w. — — — — — Es giebt aber Augenblicke, wo der Rede noch immer das unverhüllte Wort entschlüpfen muß.“ (Grimm, I. u. II., Deutsches Wörterbuch.)

Zum Schlusse denn: Ich wünsche, daß, wo möglich, Niemand sich über dies Buch ärgere, Viele aber recht herzlich darüber lachen. Passirte es gar der letzteren Einem, daß er bei der Edition des „Swinegel's“ sagte, wie einst Cicero: Adeo illum risi, ut pene sim factus ille! — das wäre freilich meine größte Satisfaction.

Hannover, im Augustmonat 1867.

**Wilhelm Schröder.**



Nachdeutsche gereimte Vorrede  
zum  
plattdeutschen ungereimten Swinegel.

---



Wer ist der Held, des Lebenslauf hier wird gefeiert,  
Des Name gleich Trompetenklang die Leser herberiet?  
Ist's eine Größe, deren Bildniß man entschleiert  
Erst, wenn Jahrzehnde schon ihr Leib im Grabe schlief?

Ist es ein Krieger, der für Ruhm und Ehr' gekritten,  
Der unbesiegt sein Schwert in Schlachten hat geführt,  
Der festen Fußes über Leichen ist geschritten,  
Dieweil sein Herz vom Wehruf rings blieb ungerührt?

Ist es ein Philosoph, der in erhab'nen Träumen,  
Ein zweiter Leibniß er, tiefkönnig grübelnd saß —  
Ein Astronom, dieweil er in den Sternen-Räumen  
Verkehrte — unter sich die Menschheit drob vergaß?! —

O nein, von allen diesen ist der hier gezeigt keiner;  
Er ist nicht aus dem Haus der Lords, trägt keinen Ordensstern,  
Er ist ein Sohn des Volks — ein Commoner — ist ein Gemeiner,  
Und dennoch gern gesehen oft bei großen Herrn.

Nicht im Palaß, nur in des Dorfes niedrer Hütte  
Der erste Schauplatz seines Jugendlebens ist; —  
Man hat ihn nicht dressirt zu Anstand, seiner Sitte, —  
Er spielte mit den Brüdern vor der Thüre auf dem Mist.

Swinegel heißt der Held — die Lüneburger Haide  
Ist Heimath ihm — barfuß begann er seine Bahn;  
Als Junge trieb er Gänse auf die Weide,  
Und was danach er trieb — das zeigt dies Buch Euch an!

Er war nicht geistreich, wenn er machte Scherze,  
Avec esprit, wie der Franzose thut;  
O nein, sie waren etwas derb — jedoch er hatt' ein Herze,  
Ein warm Gemüth — das macht, er war ein deutsches Blut.


So steht er da, ein Urbild von des Volks Humore,  
Lustig und pfffig, pähig, knuffig, dreist,  
Nicht achtend viel, was ihm die Pfaffen und Doctore  
Vorschwätzen, weil er „dummes Tüg“ das heißt.

Und so, obwohl im Staub gefunden, ist er eine Perle,  
Ein Grobian und Flegel oft — doch stets ein ganzer Mann —  
Der lebt als kecker Bursch und stirbt als braver Kerle,  
Was nicht von jedem — Swinegel man sagen kann.

W. S.

## Dat eerste Kapittel.

Wat de Uurzaak wöör, worüm de lütje Swinegel  
an den Geist glövede.

 nu de lütje Swinegel söß Jahr old worden wöör, seggde sien Vater: „Nu warret et aberst Tied, mien Söhn, dat du in de School kumst un wat leernst!“ — Un dadrup gung sien Vater hin un köffde för em en Fibel, un denn fette he de Lebber an den Wiemen un hale da de dickste Mettwust heraf. „So“ — sä he — „nu nimmst du de Fibel un de Wust un hullst di nich ünnerwegens up, dat du mit Steenen nah de Huusfinken smittst, un mit annern sollen Liebverdriv, sondern geihst mi straks nah'r School, un wenn du rintrittst, givst du toerst dien Wust an den Schoolmeester un sprikt: „De schickt ju mien Mober, un ick schull man seggen, se wöör good, denn se harr se sülost stoppt; un mi schickt mien Vater, un ick wöör oof nich ganz dumm, un ji muggten nu oof sorgen, dat ick dägt wat leeren dähe!““ — So, un nu puß di erst de Näß, un du, Mober, wiß den Jungen mal

mit'r Specksware über sien Schoß, damit he doch en betjen reputeerlich utführt — un denn gah!"

Swinegelsmoder dāhe, wie ehr Mann seggde, denn steek se ehren Jungen noch'n dicket Dotterbrod in de Tasch, un somit gung he.

"Dā" — sā Swinegelsmoder, indem se em nahkeet, un dabi wischde se sīd mit'r Schörte dorch de Dogen, as ob se weenen müßde — „da geist he hin! 't is doch de wichtigste Gang in sienem Leben."

"Ja woll" — sā Swinegelsvader — „un de tweete wichtigste is, wenn he hingeiht un sīd 'ne Froo nimmt."

"Dā Gott! wer weet, ob he man je so glücklich is, dat to erlennen!" sā Swinegelsmoder.

"Worūm dat nich?" — entgegnede ehr Mann — „īd herw noch keenen Swinegel kennt, de nich oof'n Froo kregen hett." —

Unnerdeß wōōr de lūtje Swinegel vōr de School ankamen. Bange wōōr he gar nich, aberst he puße sīd erst noch mal de Nāh', woruut man sehn kann, dat he all Nahgedanken harr, un denn besūnn he sīd noch mal up dat, wat em sien Vater upgewen harr an den Schoolmester to bestellen. Un damit faate he up de Dōhrtlink un maakte de Dōhr up. Als he nu aberst rintrede un seeg de veelen Kinder, de em alle anstarrden, un den Schoolmester, de'n grooten Stoc in'r Hand harr, da wōōr he doch'n betjen verbiestert un he stōterde: „Gut Dag! Herr Schoolmester" — wobi he em de Wust hingew — „de schickt ju mien Moder, un de wōōr' — nich ganz dumm, un mi schickt mien Vater, un īd wōōr' — oof good, denn he harr mi — harr mi — jūlost stoppt."

"Is all good" — füll em de Schoolmester in't Woord — „versprāken is nich so flimm as verrāken. Giv man de Wust her, sett di

da ünnen up de Bank, un denn seh to, dat du in düsser Stünn noch den grooten A in'n Kopp friggst!" —

As nu de Stünn to Enne wöör, fragde de Schoolmester: „Na, Hinnerk, wo is et mit den grooten A?"

„Ja kann'n all" — sä Hinnerk — „un den lütjen a kann id oof all halo!"

„Dat freut mi" — sä de Schoolmester, — „hewvt ji denn noch dägt Wäst?"

„Ja, wi hewvt noch den ganzen Wiemen vull!"

„So? — Na, denn grööt dien Vader un Moder von mi, un segg jüm, id harr seggd: uut di schull woll wat warden, du wöörst noch lange de dümmste nich!"

En halvet Jahr mugg ungefehr vergaen sien, un et harr sid wörklich uutwieset, dat de lütje Swinegel nich de dümmste in de School wöör, denn he seet nu nich mehr ünnen up siener Bank, sondern he wöör ünnerdeß de drüttste van baben worden.

Da trede eenes Morgens, as eben de Gefang uutlungen wöör, womit jeden Morgen de Schoolstünn anfäng, un et nu eben in de School wedder ganz still worden wöör, de Schoolmester midden in de Schoolstuw, hooftede dreemal un speede denn rijsch vör sik dahl, wat he jedes Mal dāhe, wenn he jüm wat besonderes to seggen harre, un denn spröök he:

„Nu heww id ju erst noch ganz wat Wichtiges antozeigen, ji Jungen un Deerns alltohoop! Morgen also kummt de Zupperdient uut'r Stadt un hult hier bi mi Schoolvisitaatschon af. He will sid nämlich öbertügen, wat ji leeret hewvt. Ja mutt ju also denn de Hauptstück uut'n Katechism affragen und he hört to. Darüm will id dat nu

vanbage en betjen mit ju börnehmen, un pafst mi nu good up, denn morgen fröh, wenn de Zupperdent rinfummt, frag id ju eben so un ganz nah der Keeg, wie id nu dohn will!"

Un damit gung de Schoolmester an all de Banken van de Jungen un Deerns hindahl un leggte jedwedem siene Frag' vör, un wenn se de Antwoord drup nich wußden, denn sä he se jüm, un vermahnde jedweden, dat se sich dat fast inprägen schullen, damit se vör den Zupperdenten good antwoorden können und em doch ehre Dummheit keene Schand' maaken dähen. As he nu an de letzte Jungens-Bank kööm, wo de lütjesten drup seeten, un wo Hinnerk Swinegel de drüfftste van baben wöör, da sä de Schoolmester to jüm: „Na, för ju dröv id dat Eckamen woll nich to swaar maaken, denn ji sünd de lütjesten un noch'n betjen dummerhaftig. Darüm aberst pafst mi recht up un market ju de Antwoorden, de id ju jezt in't Muul stäken will, damit ji se mi morgen jüst so wedder geernt, un mi oof keen Schand' maakt!" — „Also" — wende sich nu de Schoolmester an den ersten Jungen un spröök:

„Also, wenn id di nu morgen frag': Sage mir, glaubst du an Gott den Vater? — wat antwoordst du denn?"

De erste Jung' aberst sweeg still un keef den Schoolmester starr an.

„Ja! — antwoordst du denn, du Schaapsköpp" — schreebe em de Schoolmester an — „un wieder spridst du nicks. Mark di dat!"

Un dadrup wende sich de Schoolmester an den tweeten Jungen un spröök:

„Un wenn id di nu frag': Sage mir, glaubst du an Gott den Sohn? — wat antwoordst du denn?"

De tweede Jung' aberst sweeg oof still un keef den Schoolmester starr an.

„Ja! — antwoordst du denn, du Schaapskopp“ — schreebe da oof diissen de Schoolmester an — „un wieder sprickst du nicks. Mar! bi dat!“

Un badrup wende sich de Schoolmester an den drütten Jungen, wat Hinnerk Swinegel wöör, un spröök:

„Un wenn id bi nu frag': Sage mir, glaubst du an Gott den Geist? — wat antwoordst du denn?“

„Ja!“ — schreebe da Hinnerk Swinegel, un so luut, dat' n't buuten vör der Döör harr hören kunnt.

„Recht, mein Sohn, Bravo!“ — sä de Schoolmester — „seht ji woll, de lütje is klöcker as ji beiden grooten Bengels, un de warret gewiß morgen sien Antwoord nich schuldig blieven.“

Am annern Morgen güng et nu ganz wie de Schoolmester et Dages vörher mit siene Schoolkinder inexerciceert harr. De meisten van jüm antwoorden good, un de Zupperdient schiene drüm oof so wiet tofreden. As nu aberst de Schoolmester tolekt an de ünnerste Bank kööm, wo de lüttesten Jungens drup seeten, da nöhm de Saak doch'n annern Verloop, as he sich dacht harr.

As nämlich de Schoolmester an disse Bank antrede un fragde den ersten Jungen:

„Sage mir, glaubst du an Gott den Vater?“ — da antwoorde em de Jung' „Ja!“ — un de Schoolmester sä drup: „Bravo! Sehr gut geantwortet!“

As nu aberst de Schoolmester den tweeten Jungen fragde:

„Sage mir, glaubst du an Gott den Sohn?“ — Da antwoorde disse „Nä!“

De dat seggde, dat wöör aberst Hinnerk Swinegel. De tweete Jung' wöör nämlich dissen Morgen etwas to laat nah'r School kamen, as de annern Kinder all alle da wöören, un so kööm et denn, dat Hinnerk Swinegel jezt up den tweeten Platz seet, un de tweete Jung' up den drünnen Platz, up den Swinegel sienem.

As nu Hinnerk Swinegel up den Schoolmester sien Frag' mit „Nä“ antwoorde, wunnere de sich nich wenig, keek em scharp an un spröök: „Besinne dich und höre recht zu, was ich frage. Also ich frage dich nochmals:

Sage mir, glaubst du an Gott den Sohn?“

„Nä!“ — antwoorde Hinnerk Swinegel ganz passig.

Nu fing aberst de Zupperdent sülost an, sich to verwunnern, un spröök to den Schoolmester: „Das ist aber sehr sonderbar, mein Lieber. Erlauben Sie, daß ich den Knaben selbst einmal frage!“ — Un dadrup wende de Zupperdent sich gegen Hinnerk Swinegel un spröök:

„Was ist denn aber der Grund, mein Kleiner? — Glaubst du wirklich nicht an Gott den Sohn?“

„Nä!“ antwoorde em drup Hinnerk Swinegel, — „nä, da glövt de anner Jung' an. — Ik glöv an den Geist!“ —

Da dreibe sich de Zupperdent nah den Schoolmester rüm un sä, wobi he sich kunn dat Lachen verbieten kunn: „Sie haben Ihre Zöglinge gut eingercirt, mein Lieber, nur daß dieselben, wie ich sehe, heute nicht alle auf demselben Platze sitzen wie gestern. — Im Uebrigen bin ich doch so ziemlich mit Ihnen und Ihrer Schule zufrieden.“ — Un damit güng de Zupperdent.



De Schoolmester aberst spröök, as nu de Kinder uut'r Schoole ruut wöören, wo he noch'n Dogenblick drin torügge bleev, ganz nahdenklich vör sich, mobi he den Kopp schüttelbe: „wat'r doch licht för'n Mallöhr uut entstahn kann, wenn man so een Swinegel nich up der rechten Stäe sitt!“ —

Harre de Schoolmester in uhfen Dagen lewet un sehn, wat da Allens för Swinegels, oft in höchsten Nemtern un Posten, up der unrichten Stäe sittet, un wat dadorch Allens för Mallöhr entsteiht — denn wörre he sienen Kopp woll noch mehr schüddest hebben.

---

## Dat tweete Kapittel.

Worüm de lütje Swinegel blarrt, as he mit sien Moder up'r  
Hochlied wöör.

**I**n Swinegels Dörpe wöör Hochtiéd. Dierk Hansen, den grooten  
Holtbuuren sien öllste Söhn, bäh freen, un weil Swinegelsvader,  
obglic man en Hüsling, aberst doch een van de nöchsten Nahbers  
wöör, so wöören he un sien Froo oof mit to'r Köst beden.

Et is nu in jenen Dörper'n Mohd', dat jedweder Gast, de tum  
Middagsäten up de Köst inladen is, 'ne Gav mitbringt för de Bruut-  
lühde. De Bullmeiers un Hahmeiers plegget eenen oder twee sülwerne  
Läpels to gewen, oder se legget oof en Duppeltmark-Stück oder 'n Wilden-  
manns-Dahler ünner ehren Teller, weun se asäten hewt. De lütjen  
Lühde aberst, de so veel nich upwenden küunt, schicket Abens vör den  
Hochtiédsdag en Bidrag för den Ketel oder Grapen, as da is 'n bägten  
Schinken oder 'n halwen Swienstopp, oder'n Ossen-Steeertstück, oder  
oof, weun se dorchuut nich mehr gewen küunt oder wüllt, 'ne Goos,  
en Hohn oder'n Mant'.

Swinegelsvader un Moder överleggden nu, wat se woll för' ne Gav in't Hochtiédshuus schiden schullen.

„Et helpet Allens nids“ — sä Swinegelsvader — „Diert Hansen is'n Bullmeier, un id bün doch man'n Hüsling; aberst weil id sien nöchste Nahber bün un he wat up goode Nahberschaft hult, so hett he mi doch to sienen Söhn sien Röst mit beden laaten; un darum segg id di, Moder, wi schickt den Schinken hin un wenn't oof de letzte is, de in'n Wiemen hangt.“

„Na, mienetwegen denn, so mag denn de Schinken hinwannern to jüm“ — sä Swinegelsmoder — „obglic he mi hart afgiebt!“

„Moder — sä da halfliefe de lütje Hinnerk Swinegel, de dabi stünd un sienen Eltern ehr Gespräak mit anhört harr, wobi he sien Moder van achter anstött — „Moder, nehmt mi mit nah'r Röst, de annern lütjen Deern's un Jungen uut'n Dörpe kommt'r oof mit hin.“ —

„Wi kunnen den Jungen ja woll mit us nehmen“ — meende da Swinegelsmoder to ehren Mann, denn 'ne Moder hett jümmer Mitgeföhl för ehr Kind, un wenn't oof man'n Swinegel is. —

„Dat geiht nich“ — sä Swinegelsvader — „dat is man'n Farkenschinken, da künnt nich drie Mann up hingaen un sic dafür an'n Hochtiédstisch full fräten.“

„Na, kunnen wi denn nich noch wat'n betjen darto gewen un dat mit hinschiden, so dat wi dafür den Jungen mit hinnehmen kunnen?“ — sä Swinegelsmoder.

„Wat kunn dat woll sien?“ — antwoorde ehr Mann — „id wüßd' doch nich, wat wi noch darto harren un hingewen kunnen.“ —

„Wi hewwt da jo den ohlen Hahnen noch, de is jo doch to nids

mehr nütze, as dat he afdahn ward; he kreiet jo nich mehr un sünsten kann he jo ook nicks mehr uutrichten" — meende siene Froo.

"Fie, kuum her, dat Sticheln geiht an" — så Swinegelsvader — "wat ohle Wiewer doch för Infälle gewot, — na, wenn du meenst, Ohlsche, dat he nu also doch to nicks mehr nütze is, denn dreih en den Hals um un schick den ohlen Hahnen hin nah't Hochtiedshuus; denn kann de Jung' mitkamen. — „Aberst, dat segg ic di, Jung" — wende sich drup Swinegelsvader to sienen Söhn — „dat du mi nu da ook dāgt āten dreihst, damit wi uhse Rāktung wedder ruut kriegt!"

"Wes' man nich bang', Vater" — så Swinegelsmoder — „de Jung' itt all so veel as'n groot Minsche un mitanner ook noch'n betjen mehr."

Un so schull et denn ook wirtlich kumen. As nānlich an'n annern Dage de ohle Swinegel mit siene Froo un sienen Söhn an'n Hochtiedsdische mit seeten, un dat Aten, — wobi se ook alle Dree nich fuul bi wesen wōdren — nu so wiet all to Enne gāng, dat nu tum Besluf de grooten Teller mit den upsneden Botterkoken an'n Disch rānreckt wōrden, da hōrde Swinegelsmoder, wie ehr Jung', de dicht bi ehr seet, an to weenen fāng. Un so dreihde se sich denn um un fragde:

„Jung', wat blarrst du?"

„Ick kann nich mehr āten" — — antwoorde ehr de lūtje Sinnerf.

„Na, Jung', so stich et in de Taschen" — tusterde em da sien Moder in't Ohr.

„Ja, de sūnd ook all full" — blarrde da ehr Jung noch luuter as vōrhin.

„Wat fehlt den Lorf?" — fragde Swinegelsvader, de sich nah siene Froo āndreihde, as he sienen Jungen nu so grāfig blarren hōrde.

„He hett sich man'n betjen verfluukt, he hett wat in de unrechte Rehl kregen“ — antwoorde Swinegelsmoder, de doch nich wull, dat de annern Gäst' marken schullen, wat et da eigentlich geev.

As nu aberst de Röft to Enne wöör un de Dree det Abens mit'n-anner nah Huuse torügge gängen un Swinegelsmoder ehren Mann vertellde, wat dat eigentlich mit jüm ehren Jung' sien Weenen an'n Hochzeitdsisch för 'ne Verwandniß habbd harre, da sä de ohle Swinegel to sienem Söhn:

„Dat heft du recht maakt, mien Söhn. Alle Taschen full gepackt, wo et wat bitostaken giot. Da blier du man bi. Un wenn du mal in Tokunft villicht ne Karjeer in'n Staatsdeenst maakt un tum Bispill so'n Raamerdeener oder Leibhusar oder Hofmarschall bi uhfen Försten wardst, denn laat du di vör Allen man recht groote Taschen in dienen Rock un Böcksen maaken, dat du ördentlich wat bipacken kannst, van denjenigen, wat'r da so bi mit affallt. Denn bruust du nich arm to blieden. Denn id segg di so veel: — En armen Swinegel gellet nicks in der Welt. Aberst en rieken Swinegel, de kann allenthalben briesste uptreden; denn dat bewieset us de Erfahrung in uhfen Dagen jümmer mehr: Wenn en Swinegel man wollhabend is, so is he ool überall wollgelitten!“ —

---

## Das drütte Kapittel.

Wie Hinneck Swinegel confirmeert wörre, un wat sick dabi  
mit em todröög.

**H**inneck Swinegel güng nu bit in sien veerteinste Jahr twar stiebig  
in de School, aberst leeren dähe he doch nich ganz veel, denn in  
der School wöör he en betjen fuul. — Dat kummt aberst nich  
bloot bi de gemeenen Swinegels sondern oof öfters bi de vörnehmen  
Swinegels ehre Jungens vör, bloot mit den Ännerscheed, dat et den  
Lehtern nahher in Lewen nich so veel to schaden pleggt.

„Ja weet egentlick nich, wat dat bi unnen Vengel to bedüden  
hett“ — pleggde denn woll Swinegelsvader to seggen — „de Jung'  
müßde doch egentlick en apenen Kopp hebben; — denn as he kuum  
anderthalo Jahr old wöör, füll he doch van'n Dische un slöög sick'n  
groot Lock in'n Kopp, — un dennoch will'r nich recht wat rinkamen. —  
Doch, dat helptet Allens nicks, he mutt nu mit confirmeert warden!“

„Kunnen wi uhßen Hinnert nich leewer noch'n Jahr överfitten laaten? he schient mi doch noch'n betjen swaak to sien“ — meende Swinegelsmoder.

„Nä, dat geiht nich“ — antwoorde Swinegelsvader. — „De Jung' smöökt all, drinkt all'n Sluck, un fangt ook all an mit de Deerns to spälen; darum is et de höchste Tied, dat he uut'r School kummt. Denn wenn he us as Schooljung' gar all'n Wallöhr mit eener van de Deerns hier uut'n Dörpe anrichten schull, dat wödre doch'n to grooten Schimp för us Öllern!

— „Ach, so gefährlich is dat woll noch nich, sien Spälen mit de Deerns, dat 's man bloot noch Kalweree“ — meende Swinegelsmoder.

„Ja, da verlaat du di nich up, Moder“ — entgegnete ehr Mann — „du weest woll, wi Swinegel's sünd nich maek in den Punkt, un fanget all fröh an. — Darüm blieb ic dabi, de Jung' mutt confirmeert warden!!“ —

So geschach et denn, dat Hinnert Swinegel den Winter öwer bi den Pastor in sienem Dörpe mit in de Confirmationsstunn gung, un wenn he ook jüst nich so kloot wödr as de klößten, bi den Fragen un Antwoorden, so wödr he doch ook nich gans so dumm as de dümmsten.

As drüm nu de Tied kööm, ungefähr veer Wäken vör Ostern, wo de Kinder, de sich confirmeeren laaten wullen, Gener nah'n Annern tum Zupperdenten mußden, um sich van den in de Relijon vörher noch prüfen to laaten, da maakte sich denn uhse Hinnert enes Dages ook up den Weg dahin.

„Also du wünschst auch confirmirt zu werden?“ — rede de Zupperdent em an.

„Ja, dat muss ich woll“ — så Hinnerk Swinegel.

„Nun, dann sage mir mal zuerst: wie viel Götter giebt es?“ — fragde drup de Zupperdent.

„Enen“ — antwoorde Hinnerk Swinegel.

„Wie, nur einen?“ — så de Zupperdent, de em wahrscheinlich up'n Tahn föhlen muss, weil Hinnerk em so passig antkeet. Da besünn sich Hinnerk Swinegel en Dogenblick un sprööt denn:

„Nä, dree Götter givt et.“

„Was? — drei Götter“ — så de Zupperdent, wobi he uhfen Hinnerk noch scharper antkeet as dat eerste Mal. — „Hast du nicht vielleicht noch einige mehr in deinem Brägen?“ — Da besünn sich Hinnerk wedder 'ne Wiele un denn så he:

„Ja, ich weet noch dree.“

„Das wären also ja wohl Summa sechs Götter?“ — meende de Zupperdent.

„Ja, dree un dree macht söß“ — så Hinnerk Swinegel.

„So?“ — så de Zupperdent — „und kannst du mir auch vielleicht sagen, wo deine sechs Götter aufgenannt sind und wie sie heißen?“

„Ja“ — så Hinnerk Swinegel — „de eersten dree stahet in'n lütjen Katechismen un heetet Gott der Vater, Gott der Sohn un Gott der heilige Geist, un de annern dree stahet in'n eersten Boof Mose un heetet: der Gott Abraham, der Gott Isaak und der Gott Jakob.“

„Und an diese drei lehten glaubst du auch?“ — fragde em drup de Zupperdent.

„Ja!“ — så Hinnerk Swinegel.



„Und warum das?!“ — fragde de Zupperdent.

„Weil Moses dran glövt, un mien Vater seggd jümmer: Moses wöör keen dummen Kerl wesen, sonst harre he den König Pharaon un siene Egypters nich so höllisch ansch..... kunnt.“

„Nein“ — schreebe da de Zupperdent ganz zornig upfahrend — „Moses war freilich kein dummer Kerl — aber du — bist ein dummer Junge! — Marsch, scheere dich zu Hause mit deinen sechs Göttern; gehe noch ein Jahr in die Schule, denn das thut dir nöthig, und melde dich nächste Ostern wieder!“

Hinnerk Swinegel wöör ganz verwunnert, dat de Prüfung so'n Enne för em nöhm, dreibe sick stillswigends üm un maakde sick up den Rückweg nah Huuse to.

Unnerweges up'n Rückwege bemööt em aberst en anner Jung' mit sienen Dörpe; dat wöör Peter Snakenkopp.

„Wo wult du hin?“ — rööp Hinnerk em an.

„Ich will nah'n Zupperdenten un mi prüfen laaten.“

„So?!“ — sä Hinnerk. — „Segg mal, wenn he di nu fragt: Wie viel Götter giebt es? — wat antwoordst du em denn?“

„Enen“ — sä Peter Snakenkopp — „dat versteiht sick doch van süßst.“

„Enen?!“ wedderhale Hinnerk Swinegel — „meinst du? du warrest schön bi em ankamen — ich herw em all söß baden, un da wöör he noch nich mal mit tofreden.“

„Nä, Peter, spar di de Moihe, dreih du man glieds mit üm un geh wedder mit nah Huuse. Dat kann di nicks helpen. Laat us beiden man noch'n Jahr in'r Schoole mit sitten, villicht sinnet wi unt der Bibel

ja woll ünnerdes noch'n paar Götter mehr heruut, so dat wi de Tahl för em vull krieget."

Da kragde sich Peter achter den Ohren, denn he wöör sich mit sienem eenen Gott ook siener Saake doch nich so ganz gewiß; un so geschach et, dat Peter Snakenkopp un Hinnerk Swinegel an disse Ostern noch nich mit confirmeert wörren, sondern noch'n Jahr översitten dähen.

Als nu dat Jahr wedder vergangen wöör un de Ostertied allgemach wedder ranköön, da gingen Hinnerk Swinegel un Peter Snakenkopp nu tum tweeten Mal nah'n Zupperdenten, um sich wedder prisen to laaten. Ob se nu ditmal beter antwoorden dähen, oder ob de Zupperdent dachde, he müßde jüm ditmal doch man uut'r Schoole mit entlaaten, weil de beiden Bengels sünst to groot wörden, dat weet ick nich; aberst de Zupperdent seggde to de Beiden, se wöören annahmen un schullen ditmal mit confirmeert warden. — So geschach et denn ook. — De Confirmatschons-Dag kööm un de Saake mit jüm Beiden nöhm ook ganz densülvigten Verloop wi bi de annern Rinner. — Bloot mit Hinnerk Swinegel fällt ganz tolest noch wat vör, weshalb de Pastor en Woord to em sprööt, wat he to keenen van de annern Rinner spraaken harr. — Als nämlich de Pastor sien Examen mit de annern Rinner beendigt harr, da stelde he sich — ehe he nu mit dat Abendmahl=Nutdehlen anfang — vör den Altar un hölde noch 'ne groote Vermahnungsred' an de Confirmanden. — He vermahnde jüm darin, dat se ehr ganzet Levenslang jümmer up den Wege der Tugend un Gottseligkeit wandeln schullen, malde jüm dabi Himmel un Hölle vör, un rede sich dabi so in de Nöhrung hiin, dat he

tolext sülost dabi an to weenen un to sluchzen füng. Denn he muggde sück woll uut siener eegenen Erfahrung erinnern, dat dat Vermahnen lichter is as dat Befolgen, un dat oof för'n Pastor so good as för alle aunnern Minschentinner dat Woord gellen deiht: „Der Geist ist willig, aber das Fleisch ist schwach!!“

As nu aberst de Confirmanden-Kinner seegen, dat de Pastor sülost an to weenen füng, da dachden se, se müßden nu oof an to weenen fangen, un dat dāhen se denn oof. Und so kreegen se denn alle ehre Snusdöcker ruut un hölen sück de vör ehre Gesichtser und füngden an to weenen. Dat is nämlich so Hertamens in jener Gegend, dat de Kinner, wenn se bi der Confirmatschon tum Elusse an to weenen fanget, sück dabi de Snusdöcker vörholet. — Un davan kummt et denn oof, dat jedwedet Buurkind, wenn et vörher oof noch nümmer en Snusdook hatt hett, doch to sienen Confirmatschons-Dag in'r Karte en Snusdook friggt.

Up eenmal höre nu Peter Snakenkopp, de tonächst bi Ginnerk Swinegel seet, dat de so'n besonderet Gerüisch achter sienen Dook maalde, jüst, as wenn Gner wat lauen deiht. Peter wende sück nu en betjen to'r Siete un gluupde achter Ginnerk sienen Dook. — Un wat seeg he da?! — Ginnerk Swinegel wöör jüst daröwer uut, en grooten Stuten, den he sück mit sienen Snusdook verdeckde, rintowörgen.

„Mein Gott! schaamst du di denn gar nich, Ginnerk“ — sä Peter — „hier in'r Karten bi so'n fierliche Handlung wat to fräten?!“

Ginnerk sparrede eben dat Muul up, Peter wat darup to antwoorden. Aberst de Pastor leet em darto nich kamen. De Pastor, de dat Lustern van de beiden Jungens hört harr, un den dat verdrööt, trede plöcklich an jüm 'ran, as Peter noch mit sienen Kopp achter Ginnerk sienen

Snufdook wöör, un reet mit eenen raschen Griff Hinnerken sienen Dook  
vör der Näs' weg.



De Pastor mugg nu während sener dörtygjährigen Amtsfohrung bi  
Hochtieden, Kinddöben un Begräfnissen woll all manchen nutverschaaften  
Fräter mank de Buuren sehn un sich daröber verwunnert hebben; ditmal  
aberst verwunnere he sich doch so sehr wie noch nimmer vörher. He stünd  
woll twee Minuten vör Erstaunen spraakles, denn aberst bröök he los:

„Was?!" — so rööp de Pastor uut; as he Hinnerk dat Snusdoof vör'n Gesicht wegtöög un nu seeg, wi Hinnerk, anstatt vör Nöhrung öber siene Vermahnungsred' to weenen, da seet un mit beiden vullen Backen laude — — — — —

„Was?!" alle andern Kinder sind außer sich vor Nöhrung, zerfließen in Thränen hinter ihrem vorgehaltenen Tuch — und du — statt dessen birgst dein Gesicht dahinter und friffest einen Stuten?! — Du bist ja ein Schweinigel!!" Damit dreihbe de Pastor uhfen Hinnerk verächtlich den Rücken to un güng. — Hinnerk höl vermunnet mit Rauen en Dogenblick inne; dat duhre aberst doch nich lange, sondern glicks darup laude he wieder und harr den Stuten bald vollends hindahl wörget. Dabi maakde he en Gesicht, as ob he seggen wulle: et is nu doch een Sünnenvergeben.

As he nu nah Huuse kööm un sien Vater fragde em, wi dat mit'r Confirmatschon in'r Karke afloopen wöör, un ob de Pastor oof schön predigt un jüm stark in't Gemöhd spraaken harr, — da antwoorde em sien Söhn:

„Ja, Vater, he hett so schön predigt, dat alle Jungens im Deerns dat Snusdoof vör't Gesicht holen un weenen musiden."

„Jä wöör aberst so nüchtern van dat lange Predigen worden, dat ick mi 'n Stuten — den ick uut Vörsicht mitnahmen harr — uut'r Tasche kreeg un den an to äten füng." —

„Wat? — Un weent hest du gar nich?"

„Nä" — sä Hinnerk — da harr ick jo keen Tied to." —

„So?" — sä Erwinegelsvader nahdentlich; „et mugg woll sien, dat

he daröber nachdachte, ob he as Junge bi siener Confirmatschon et oof so maakt harr. —

„Ja“ — fahrde drup Ginnert in sienen Bericht voort — „im as de Pastor mi dat Doof vör der Nähs' wegtöög.“ —

„Wo so?“ — sä sien Vader — „wo so füll et em denn in, di alleene dat Snufdoof vör'n Gesichte wegtotrecken?“ —

„He mugg dat Knasperm woll hört hebben“ — sä Ginnert — „denn de Stuten wöör en betjen hart.“ —

„So?“ — sä sien Vader — „un da, wat seggde de Pastor denn da to di? — He schellde di woll dägt wat unt?“

„Dä nä, Vader, dat dāhe he mi jüst nich. He teet mi 'ne Viele scharp an un denn sprööt he: „Von dir konnte man freilich nichts Anderes erwarten, denn du bist ein Schweinigel!!“

„So?! — dat gefallt mi nich, dat he di so nennt hett,“ — sä sien Vader — „dat verdrütt mi stark.“ —

„Worum denn dat, Vader? — Is denn dat nich eenerlee: ein Schweinigel oder — en Swinegel?!“ —

„Nä“ — sä sien Vader — „dat is lange nich een Dohn. Denn süh, mien Söhn, de Unnerscheed is disse: — Wat in der grooten Welt immer vörnehmen Lühden ein Schweinigel is — dat is immer en schlechten Keerl, meistens gar en Spigboov. Aberst en Swinegel kann man wesen un doch en ehrlich Minsche dabi. Dat is de Bördehl för nhser Gens, de unt'n Volke is. Denn dat Volk kann nich bestahn ohne Ehrlichkeit, müst du weeten.“ —

---

## Dat veerte Kapittel.

---

Wie Hinnerk Swinegel, as he mit nah Frankriek marschierd wöör,  
da in eenen Dag de französche Spraak leeren dāhe.

As de Slacht von Waterloo gewonnen wöör, tōgen de Soldaten, de  
se gewonnen, alle nah Frankriek nin. Want de Dütſchen, de da  
mit rinmarscheerden, wöör oof Hinnerk Swinegel. De Weg da-  
hin wöör twar bannig lang, aberst he kunn et doch woll utholen, denn  
he güng nich to Foot, sondern seet to Wārde. Dat kööm daher, dat se  
em, as he sich fastloof't harr un Soldat worden mußt, nich tum Infan-  
tristen un oof nich tum Artöllristen brücken kumen.

„Worüm denn dat nich?“ — harr Hinnerk Swinegel den Loosungs-  
Kumfär fragt.

„Weil du schiefe Beine hast, mein Sohn!“ — harr em disse drup  
antwoordet.

„Na, denn stellt mi bi de Pickeniers in, bi dat Inschenjör-Kohr!“  
— harr drup Hinnerk meent.

„Nein“ — harr de Loofungs-Major antwoordet — „das geht auf keinen Fall. Bei allen andern Truppengattungen haben wir Swinegels dazwischen, vom Gemeinen bis zum Stabsoffizier hinauf, aber beim Genie-Corps können wir durchaus keinen Swinegel gebrauchen, — wenigleich im bürgerlichen Leben die sogenannten Genies oftmals im Grunde nur ausgezeichnete Swinegels zu sein pflegen. — Dich, mein Sohn, können wir einzig und allein, deiner schiefen Beine wegen, nur zum Train verwenden.“

„Mi ook recht denn“ — harr drup Hinnef entgegenet, — „so stellet mi dabi an; 't is mi im Grunne ook leewer. Wenn de Annern marscheeren mötet, kann ick denn doch to Pärde sitten.“ —

Un up disse Wief' kööm et, dat, während de annern Soldaten to Foot in Frankriet rintögen, de Swinegel to Pärde rinrieden dāhe. Dree Jahr mußden mi de dütschen un annern Truppen in Frankriet liggen bliwen. Dat geschach mit Vörsicht gegen Napoljon. De Engländer's harren em twar infungen un harren em in'n Gefängniß up ehre Insel Sanct-Helena staken, aberst se un de annern Aljirten wöören doch bange, he könne jām da doch mal bi günstiger Gelegenheit untknipen un denn gāng dat Kriegspittakel un dat ganze Elend, wat he öber de Welt bröcht harr siet twintig Jahren, wedder van vörn los. Um nu aberst den ohlen Napoljon allmālig unschädlich to maaken, harren se em tum Gefangenknecht oder „Kerkermeister“ (wie se dat up Hochdütsch benööm't) 'n ganz boshaf-tigen Keerl gewen. Dat wöör so een van de Minschen, de in Stanne is, 'n andern Minschen to Doo-de to argern. Doot kreeg he nu twar den ohlen Napoljon nich glick, aberst he harr em doch, eh noch dree Jahr vergāngen, den Magenkrebs anargert, de eben so good is as de Dood,



denn da warret Keener wedder van gesund. Als nu de König von England un de König von Preußen disse Nahricht freegen, spröcken se to enanner: „So, nu is he so wiet, dat he nich mehr mitkniesen kann, un wi bruukt nich mehr vör em bange to wesen un uhse Soldaten künnt nu nah Huuse kamen.“ — Da marscheerden denn de Engländer nah England torügge un de Dütschen nah Dütschland. Hinnek Swinegel aberst de güng wedder nich to Foot, sondern de reede wedder to Pärde. Denn weil siene Beene ook in Frankriek scheev blewen wöören, so wöör he natürlích ook bi’n Träng blewen.

Swinegel’s moder harre nu während der Tied, dat ehr Söhn in Frankriek wöör, männigmal an ehren Hinnek dacht, harr denn upsüzt un harr seggt: „Och Gott! Wenn he dat Aten in’n frömden Lanne man verdrägen kann?“ — — „Wat’n ächten Swinegel is, de kann Allens verdrägen“ — harr se denn ehr Mann tröstet un denn harr Swinegel’s moder sich ook wedder tofreden gewen. —

Genes Morgens fröh, et wöör noch nich ganz helle, leeg’ de ohle Swinegel mit siener Froo noch in’n Bedde un beide slööpen noch ganz fast. Et wöör üm de Tied bald nahher, as in England un Dütschland de Nahricht indrapen wöör bi de Regenten, dat Napoljon nu anfing den Magentrebs to kriegen, un dat se nu nich mehr bange vör em wöören un ehren Soldaten harren den Befehl gewen, nah Huuse torüggetolehren. — Up eenmal fahrde Swinegel’s moder mit’n Slaape up, stöbde ehren Mann an, dat he upwaatde, un rööp:

„Vader! hörst du nicks?“ —

„Nä! Wat schull ich hören?“ — sä he. —

„Hörst du nicks singen, Vater?“ —

„Nä, wat schull ic fingen hören?“ — sä he argerlick — „laat mi tofreden, ic will noch slaapen!“

„Hör doch, Vader, et is jo sien Leed. Uhsen Hinnerk sien Lievstütschen. Un he is et jo süloft, de et singt; he kummt, he is et! — Hör doch man! Hör doch man!“

„Ach, du heft woll Muggen in'n Kopp, de du fingen hörst. Ic hör nicks. Laat mi slaapen! un legg du di ook wedder hin!“ —

Aber Swinegelsmoder leggde sich nich wedder hin. Se sprüng uut'n Bedd' un lööp in'n Hemdflippen, mit de blooten Fööt in de hölten Tüffeln, uut'r Döns hinuut. Un as se up de Dähl kööm, da hörde se em buuten vör der Hoffdöhr all ganz dütklich sien Stütschen fingen, wat he all vör dree Jahren säng, wenn he recht vergnöögt oder ook'n betjen dühne wöör:

„Des Morgens bei den Brantwein,  
Des Mittags bei das Bier,  
Des Abends bei das Kaartenspäl,  
Das is ein groöß Plaisihr!“

„Ja, ja, ic hörde et ja glicks“ — rööp se vör sich hin im Loopen — „dat he et wöör, he singt noch eben so schön as sünt!“ — Un eh se noch mit bebender Hand de Döhr upkregen, rööp se den, de buuten stünd, all entgegen:

„Sprick! Büst du et denn? Büst du et denn ook wütklich süloft, lütje Hinnerk?!“ — Un damit güng de Döhr up, un „Wui!“ sä 'n grooten Keerl in'r rooden Uneform, de' n langen Sabel an'r Sied un'n gräßigen Smurrbart in'n Gesicht hatt.

„Bist du denn ook noch ganz gesund, mien leevste Kind?“ så Swinegelsmoder, wobi se em de Hand faatede un drückde. — „Wui!“ så he wedder, un dabi gung he de Dähl hinup, smeet sien'n Sabel un Patrontasch' up'n Tisch un leet sich sülost up'u Stohl an't Heerdfüer fallen.

„Schall id di nu erst'n betjen Kaffe kaafen, lütje Ginnerk?“ — fragde drup Swinegelsmoder.

„Nong!“ — så he.

„Oder wullst du lewer erst'n Stuck hewwen?“

„Wui!“ — så he.

Da høl' et sien Moder nich länger uut, sondern se lööp in de Stuw' torügge, wo ehr Mann noch in'n Bedde leeg un wedder fast slööp. Un se schüttelde em mit aller Gewalt, dat he woll upwaaken mußde, un rööp:

„So stah doch up, Vater! So stah doch up! He is et jo, he is wedder da. Aberst he snackt nicks as Französch. Keen Minsch kann em verstahn! Nu hewwt wi dat Unglück. Id hew et jo woll seggt, dat he da buuten ganz dat Dütsch verleernen wörre!“

„Man nich so ängstlich! Wat warret he woll noch können“ — så ehr Mann, wobi he uut'n Bedde steeg un sich de Strümpe un de Böcksen antröck.

Innerdeß wöör nu van den Larm ook de Magd upmaakt, harr sich ehren Innerrock överstülpt un steeg van'r Hilgen heraf. Weil se nu dachde, dat he noch siene ohlen Gewohnheiten harr un Morgens fröh noch geern datfüolge drünt as sünst, so wull se em damit 'n Gefallen dohn un fragde:

„Schall id Ju 'n Putt mit Melß bringen un de warm maaken?“

„L — — — mit dien Melßputt“ \*) — schreebe aberst Hinnerk se an.

„Sühst du woll, dat he noch Dütsch kann?“ — så Swinegelsvader, de jüst in den Dogenblick uut'r Stuwendöhr treede, to siene Froo — „dat herow id doch beter wußt as du; wenn'n oof dree Jahr in'r Frömd' is, aberst dat Beste van sien Moderspraak vergitt'n doch nich!“ —

„Büß mi willkommen, mien Söhn!“ — så drup de ohle Swinegel, wobi he sienen Hinnerk de Hand geov un se em hartlich schüttelde. — „Un nu mal erst'n Stuck her!“ — Dabi schenkte he sienen Söhn en groot Glas vull Brannwien in, wat de oof up eenen Tog uutdrüf. Un nu gäng et an'n Fragen un Vertellen; denn de beiden ohlen Swinegels wöören doch ganz neeshierig to hören, wat ehr Söhn während all de dree Jahr da buuten in Frankriek erlewt harr. Un wenigsten aberst kunn sien Moder et begriepen, wie ehr Söhn de frömde Spraak harr in'n Kopp kriegen kunn. Se meene, de müßde doch gräsig swar to leernen sien.

„Nä“ — så Hinnerk Swinegel — „föör mi nich; id herow se in eenen Dage leert.“ —

„In eenen Dage?!“ — så sien Moder verwunnert; — „aberst wo is dat möglich, dat du dat Französche so gau leert heßt?“

---

\*) Ob die vier hier im Manuscript fehlenden Worte vielleicht heißen sollen „Laat du di uphängen“ — — oder vielleicht gar auf Plattdeutsch dasselbe unkräftige Compliment bedeuten sollen, welches Goethe seinen Gög von Verlichingen (im 3. Act des Schauspiel) auf Hochdeutsch dem, ihn zu einer schimpflichen Unterwerfung auffordernden Hauptmann der Reichstruppen vermelden läßt, — das zu entscheiden muß der sachdienlichen Interpretation des geneigten Lesers überlassen bleiben. Anmerk. des Herausg.

„Weil'n an de Spraak gar nich veel to leernen hett“ — så ehr Söhn; — „denn seht ji, Moder, dat is damit so: Püing heet Brod, un Köhr heet Botter, un Zucker un Kaffe — dat blivt so.“ —

Un veel mehr harren de meisten annern Soldaten, de mit'n Swinegel unt eener Gegend wöören, in den dree Jahren ook nich van't Französche in Frankriek leert, heww ick, de disse Geschicht' schreven, mi vertellen laaten.

---

As nu de beiden Ohlen de eerste Reegier dorch't Köhren mit ehren Jungen stillt harren, da gingen se, innerdeß de Magd den Kaffe an'n Heerd to saaken anfäng un Hinnerk dabi sitten bleev, sid de Fööte warme un gedankenvull in't Frier speede — in de Stuw' torügge, Swinegelsvader, um sid siene Piepe to stoppen, un Swinegelsmoder, um de Tassen uut'n Schapp to friegen.

Up eenmal hörden se bunten wat quieken. —

Swinegelsmoder lööp nu an't lütje Finstet bi der Döhr, um to sehn, wat dat Quieken woll to bedüden harre.

„Vader“ — rööp se glick darup — „kiek ins, kiek ins! — he hett de Magd to saaten!!“ —

„Na, laat em doch“ — entgegnebe Swinegelsvader.

„Ja, Vater, aberst he grippt se scharp an, dücht mi.“ —

„Wo denn?“ — fragde Swinegelsvader, wobi he mit Tabackstoppen innehölte.

„An'n Koppe“ — så Swinegelsmoder.

„Na, dat is bi der dicken Deern nich gefährlich, da laaht em“ — sä  
Swinegelsvader.

„Ja, Vader, aberst ick glööv, he will se gar küssen.“ —

„Küssen?“ — Na, wenn he ehr fünft nichts deiht, da laaht em. —



„Aberst, Vader“ — swöögte se — „so wat hett he jo doch  
uümmer mit de Ragd dahn, as he noch bi us to Huuse wöör!“

„Ja“ — sä Swinegelsoader — „domals wöör he oof man bloot en dütschen Swinegel. Nu is he aberst dree Jahr in Frankriek wesen un is da nu oof togliet en französch en Swinegel worden. — Kann he nu as dütscher Swinegel nicks uutrichten irgendwobi, denn spält he den französch en up, dat is klar. — Darüm is mi denn nu oof för uhnen Ginnert nich mehr bange, dat he et to wat bringet, sowoll bi de Wiener as oof in’n Staatsdeenst. — Denn hier bi us im Lanne heewt von jeher de uutländschen Swinegels et am wietsen bröcht. — En wahret Glück, dat de ohle Blücher noch to’r rechten Tied dermant fahren dāhe un de französch en öber den Rhein torügge jagde. Ist fürchte, de harren us hier am Enne noch de ganze Tucht verdorben, so dat’r toleht gaar keen reinen dütschen Swinegel mehr wöör to finden wesen. Un dat wööre denn doch de Anfang vom Umergang der Ratschoon.“

## Dat hieſte Kapittel.

Wodorch de Soldat Hinnerk Swinegel ſo gau Korpral wörre.

**H**innerk Swinegel harre, nachdem he uut Frankriek torügge un ſiene eerste Deenſttied afloopen wöör, ſick wedder as Stellvertreder verköſt un wöör nu tinn tweeten Mal Soldat. Weil he aberſt as Jung' in'r School en betjen ſnuul weſen wöör, ſo harr he nich veel mehr as to'r Nothdurſt leſen leern; van'n Schriewen aberſt verſtünd he ſo veel as gar nicks. So kööm et denn, dat de beiden Nahbersjüngens uut ſienen Dörpe, de dat good verſtünnen, bald avanzeerten un Ammeroffzeers wörden. Dat maalde jüm natürlích hoffahrdig, un wenn de Beiden ſo vör der Kaſern' up'r Bank ſecten un ſmöökden, denn maalden ſe em nich Plag, dat he bi jüm ſitten kunn, ſondern leeten em Hounör vör jüm maaken, un pleggden dabi, indem ſe em nahſeeken, to enamer to ſeggen: „De ward ſien Lewenlang nich wat wi ſünd, de is un blivt Gemeener, un darüm künnt wi us ool nich mit em gemeen maaken!“ — Aberſt dat uut'n Swinegel öfters doch wat Grootes warden



kann, wenn he man'n betjen Glück hett — dat schull sich oof hier bald uutwiefen.

Enes Morgens stünd Hinnerk Swinegel up'n Posten vör'n Rummandanten sienen Huus', de oof Rummandör van sien Regiment wöör. Da kööm so'n fienen Keerl, de geele Hanschen an'n Hännen un ladeerte Stebels an'n Föötten un'n Riekglas up'r Nähs' harr, an'n Hääfsern herinnerwüppsteertet nah'n Rummandanten-Huuse to. Hinnerk Swinegel maatde sich eben sien Morgen-Vergnügen, harre sien Gewehr in't Schilderhuus lehnt, kleie sich mit der Hand in'r Böcksen un dachde an gar nicks.

Innerdeß wöör de siene Herr dicht an uhfen Hinnerk rantamen, un sie et nu, dat he dissen nich bemarkt harr, weil he, wie de vörnehmen Hansuarren dat plegget, anstatt vör sich liekuut, jümmer mit sien Riekglas baben nah den Hääfsern hinupkeet, ob'r nich gladde Deerns an'n Finstern seeten, — fort, he treebe im Vörbigahn uhfen Hinnerk up'n Foot. He markde aberst sienem Fehltritt gliicks, stünd vör Hinnerk Swinegel still, nöhm sienem Hoot af un sä: „Exküseh Mosjö!“ — He wöör nämlich en Franzos. Un wat he da sä, dat heet so veel as „Nehmen Se et nich öbel! et is man uut Versehn geschehn.“ — Aberst Hinnerk Swinegel, de sich überhaupt nicks van'n Fremden gefallen leet, un de unterdem van der Lied her, wo he to'r Exekutschoon mit in Frankriek legen, noch 'ne groote Bosheit in sich up de Franzosen harr, weil se em domals faken keen Zucker to sien Kaffe un keen'n Keef' to sien Botterbrod gewen harren, de leet sich dat ditmal oof man nich so gefallen, sondern antwoorde den Franzosen: „Ah wat, schiet Exkühs! — Ick pett di wedder!“ — Un dabi geer he den Franzosen en Tritt vör't Schienbeen, dat de över de Gdöt' torfele un em de Hoot uut'r Hand füll. — „Commang?!“

ſā de Franzoſ, aſ he ſienen Hoot wedder upgrepen harr, un maafde dabi 'ne drohende Gebehrd'. — „Kumm an?!“ — ſā Himmerk Swinegel — „Ja, kumm du man an, Musje Baſemontſch, wenn du Kurahſch heſt! Ich ſegg di aberſt, ich ſchull hier man nich aſ Poſten up'n Plaß bliewen möten, denn kööm ich aberſt an un wull di den Puckel ſo vullhauen, dat du dien Lebenlang an mi denken ſchullſt!“ —

De Franzoſ mugg woll denken: hier iſ keen Ruhm mehr vör di to eernten, — un wenn en Franzoſ dat denkt, denn nimmt he gewöhnlich dat Gaſenpaneer. Dat dähe denn nu oof diſſe hier, murmelde noch ſo wat von Coſehong un Fonter vör ſich in den Bart un denn trullde he ſich ſienes Weges. „Ja, ſouder du man to“ — ſā Himmerk Swinegel, em nahtickend, — „ich denke, ji herwt hier bi us nu för lange Tied untſoutert“ — un denn lehnde he ſich wedder an ſien Schilderhuus un dachde, damit wööre de Saake nu to Enne.

Aberſt de Saake wöör damit nich to Enne. De Kummendant harr juſt van baben unt'n Finſter ſteken un den ganzen Vorfall twiſchen Himmerk Swinegel un den Franzoſen mit anſehn. Himmerk Swinegel harr nu man eben erſt wedder anſungen, ſich ſien Vergnöögen to maaken un nicks to denken, da wöör he all wedder drin ſtört. Ditmal wöör et de Kummendant, ſien Oberſt ſülvſt, de dat dähe. — „Mein Sohn“ — rööp he ein van baben unt'n Finſter to — „wenn du abgelöſ't wirſt, dann ſoum einmal zu mir herauſ; ich wünſche dich zu ſprechen!“ — „Ganz woll, Herr Oberſt!“ ſā Himmerk, wobi he ſich herümdreichde un ſien Homör maafde. — „Dunnerwedder! wat de woll van mi will?“ — dachde he bi ſich, un dachde nu oof nicks Anneres mehr, bit ſiene Stimm to Enne wöör un de Aſlöſung kööm, um em aſtolöſen. As nu aberſt de Anner-

ofzeer „Rechts um! Marsch!“ kunnandeerde, så Hinnerk Swinegel: „Ja ga nich mit ju! Ja mutt nah'n Oberst hinup, he hett mi to sick bestellt.“ — „So? dat is wat Ameres!“ — så de Ünnerofzeer, un dabi maakde he Rechts um! vör siene annern drie Mann un denn marscheerden se af. Hinnerk Swinegel aberst gäng tum Obersten hinup.

As he nu in de Stuw treed un sien Honnör maald' harr, så de Oberst: „Nu sage mir mal, was hattest du denn eigentlich mit dem fremden Herrn da unten vor?“ — Nu vertellde Hinnerk Swinegel den Oberst, wat da innen twischen em un den fremden Herrn vörfallen wöör. Da lachte de Oberst, dat'n de Buuk bewde, un as he uumlacht harr, gäng he up Hinnerk Swinegel to, kloppde em fründlich mit'r Hand up de Schulder un så: „Bravo! mein Sohn! Das hast du recht gemacht! So möge es einem jeden Franzosen ergehen, der einem Deutschen auf den Fuß tritt! — Bravo, mein Sohn! Und zum Lohne für diese That ernenne ich dich zum Korporal! Und heute Abend bleibst du hier, issest mit meinem Bedienten zu Abend, und sollt ihr auch einige Flaschen Wein dazu erhalten, womit ihr auf des Fürsten und mein Wohl anstoßen könnt!“ —

Hinnerk Swinegel wöör nich wenig verwunnert, denn he harr nich anners dacht, as de Oberst wulle em uutschellen över dat, wat he dahn harr. Nu he aberst seeg, dat de Saaken so stünnen, wöör he et ool tofreden, så „Zu Befehl, Herr Oberst!“ — maalde sien Honnör un gäng mit den Bedienten, den de Oberst ünnerdeß rupplingelt un Bescheed seggt harr, nah den siene Stuw mit hinünner. Hier leet Hinnerk Swinegel et sick un ganz good smecken, he eet vör twee un drümk vör drie. As nu aberst de Klock neegen slöög un he dat Reträte-Blasen höör, så Hinnerk

Swinegel to den Bedienten: „So, lütje Fründ, nu mutt ic maaken, dat ic nah'r Kasern kaam. Adjüs denn! Wat'r noch in is, dat driuf du mau uut!“ — Veel wöör'r aberst nich mehr in. —

As nu Hinnert Swinegel in'r Kasern' ankööm, wöör da all de Kund' indrapen, dat de Swinegel Korpral worden wöör. Swinegel aberst, den de Wien 'n betjen in Kopp steegen wöör, kööm lustig tralaend in't Wachtzimmer treden, un as nu alle siene Kamraden up em losstörtet köömen un em anschreeden:

„Wat, Swinegel, is dat wöcklich wahr? Büst du Korpral worden? Wie is denn dat togahn?!“

„Wie dat togahn is, fragt ji?“ — sä de Swinegel — „dat is ganz natürlich togahn. Ik heiw'n Franzosen, de an mi vörbildöop un mi up'n Foot pett'de, wedder pett'd', dat he in de Gdöt füll. Dat hett uhfen Oberst so freut, dat ic daför Korpral worden bün. — Hal' mi de Düwel! Harr' ic den Keerl man in'n M— pett'd', ic glöw, ic wöör Erschant worden!“ —

---

## Dat söfte Kapittel.

---

Wie de Swinegel, as he utdeent harr as Soldat, erst bi sienem Oberst Riedknecht warret, un denn up den siene Emschlung eene Anstellung as Amtsvagt un Friedensrichter kriggt, un wie he sien Amt verwalten deiht.

**D**e Oberst, de em wegen siener gooden Antwoord an den Franzosen tum Korpral maade, harre uhfen Hinnerk Swinegel leew gewonnen un sich vörnahmen, noch mehr för em to dohn. Et kummt nu woll öfters im Leben vör, dat en vörnehm Herr 'nen Swinegel oder 'ne Swinegelsche leewgewinnt, oder dat Jemand, den 'n vörnehm Herr leewgewonnen un womit he sich de Tied verdrewen hett, as ob et sienes Glicken wödre, sich toleht doch man as 'nen Swinegel uutwieset. Aberst dat en vörnehm Herr wörtlich för de Tokunft sienes Swinegels oder siener Swinegelsche so sorgt, dat se nahher keene Nohd mehr to lieden hewwet, dat kummt im Leben nich so öfters vör. — Hinnerk Swinegel sien Oberst aberst harre en beter Gemöhd; he höl, wat he verspröök, un wenn he

mal Jemand leen gewonnen harr, so dāhe he ook wat för en. Als drüm eenes Dages, wo de Swinegel Ordonnanz-Wache in'n Rummendanten-Hause bi sienem Oberst harre, um disse bi en up'r Dāhl', wo he an'n Disch seet um jüst äten dāhe, siē en betjen mit em innerhölde, da faate Ginnert Swinegel siē en Hart um spröök: „Herr Oberst, mit Verlöw, Se hewrot doch mehrmals to mi seggt, wenn ick mal 'nen lütjen Wunsch harre, so schulle ick'n man gegen Se utspreken, um wenn't möglick wöör, denn wullen Se mi darto behülpflich sien!“ — „Ja wohl, mein Sohn“ — sä de Oberst — „sprec es aus, was du wünschst, und wir wollen sehen, was sich für Dich thun läßt.“

„Ja“ — sä um Ginnert Swinegel — „Herr Oberst, in veer Wäken is miene Stellvertreder-Tied um. Mi nochmals wedder to verköpen, da hew ick keen Lust to. „Korpral dir lew ick — Korpral dir sterv ick“ — dat is nicks för'n Keerl, de geern wieder unugg in'r Welt. Also hew ick mi dacht, wenn Se Herr Oberst, da Se doch good Fründ mit de Ministers um de andern hohgen Herrens sünd um dat also licht mit jüm maaken küunt, wenn Se mi dorch ehre Konnectschoon so 'ne lütje Ziviel-Ausstellung as Antsvagt oder Stüer-Zuehmer oder Holtvagt oder so wat verschaffen dāhen, da kunnen Se mi 'u grooten Gefallen mit dohn, woför ick Se ehr Lebenlang dankbar sien wöör.“

„Ja, ja, da hast du Recht, mein Sohn“ — antwoorde em fründlich de Oberst — „das wäre so was für dich und das göme ich dir' auch. Wir müßten es nur abwarten, daß irgendwo so 'ne Stelle offen kommt, dann will ich gerne für dich darum nachsuchen. Aber bis das geschicht, müßtest du doch wohl einstweilen nach deinem Dorfe zu deinen Eltern zurückkehren und den günstigen Zeitpunkt abwarten.“

„Doh nā, Herr Oberst“ — entgegnete de Swinegel — „dat muggbe ick nu nich geern. Et is beter, ick blier Se ünner 'n Dogen, dānn vergetet Se mi up keenen Fall. Am leewsten wödre et mi, se gewen mi so lange in Ehren eegenen Hnuse en Deenst, wenn't geiht.“

„Ja wohl“ — sä de Oberst — „das geht an; mein Bedienter und mein Reitknecht gehen in nächster Zeit ab; da kannst du also Bedienter bei mir werden, denn der bekommt monatlich einen Thaler mehr, und ich gönne dir den besten Posten.“

„Ich danke Se för Ihre goode Affsicht, Herr Oberst“ — meende drup de Swinegel — „aberst Bedeenter, nā, dat wüllt wi sien laaten. Da müßde ick to veel mit de Kamerfatte van de gnād'ge Froo verkehren, um dat is meist tündschet Volk, de gegen de annern Deenstbuden meist nicks as Klatscheree um Schabernack in'n Koppe hewwet, da wödre ick mi nich mit verdrāgen. Weten Se wat, Herr Oberst, gewen Se mi leewer bi sief den Posten as Kiedknecht; mit Pärden weet ick ſuntogahn, hew jo toerft bi'n Trāng deent; un ick riede Se de dullsten Pärde to, denn ick fitte fast, kann ick Se seggen, weil ick'n Sluf hew as Wenige.“

„Ja, dat glōw ick“ — sä de Oberst, wobi he 'n lächelnden Siedenblick up den Swinegel siene krummen Beene smeet — „du mußt'n ganz famoson Sluf hebben!“

So geschach et denn, dat Hinnerk Swinegel, as siene Stellvertreder: Tied ſum wödre, bi sienen Oberst as Kiedknecht in Deenst treden dāhe.

Zief Jahre deende nu Hinnerk Swinegel as Kiedknecht bi sienen Oberst un se verdröogen sief up't Beste, um jümmer harr et sief noch nich passen wüllt, dat sief 'ne goode Ziviel-Anstellung för Swinegel fünde. Endlich aberst schull et sief doch drapen. Hinnerk Swinegel treede eenes

Morgens, nachdem he ankloppt harr, bi sienen Oberst un disse „Man 'rin, Sinnerk!“ rapen harre, weil he em all an sien Kloppen kenne, in den Oberst sien Stuw' un spröök:

„Herr Oberst, nu weet ick aberst 'ne Stäe, de sich för mi passet!“

„So? Un wat wödre denn dat för 'ne Stäe?“ fragde de Oberst.

„Dree Stünnen van hier is'n Amtsvagt-Stäe vakant, womit oof 'n Posten as Friedensrichter verbunden is.“

„So? Un da heft du Lust to? Un glövt oof, dat du den Posten vörstaan kamst?“

„Säker, Herr Oberst. Wat'n Amtsvagt to dohn hett, dat is keen Hereree. Ik kann Se seggen, et givt manchen Amtsvagt, de dümmel is as ick.“

„Dat glöv ick woll, sä de Oberst — aber den annern Posten dabi as Friedensrichter, wenn du den man wüssen büst?“

„De jüst, de pakt eerst recht för mi, Herr Oberst“ — meende Sinnerk Swinegel. — „Denn sehn Se, dat is so. Wenn twee Buuren mit enanner in Striet gerahdet un wüllt'n Proceß gegen enanner anfangen, denn mötet se eerst tum Friedensrichter gahn un den ehre Saake vördrägen. De givt sich drup Moihe, de Beiden mit enanner to verglieken, hullt jüm alle Grüene vör, worüm et beter is, dat se sich verdräget, fortun, stellet dat mit jüm an, wat man 'nen „Güteversuch“ nemet. — Dat wödre nu jüst so 'ne Arbeit recht vör mi; denn ick, Herr Oberst, bün überhaupt nich för Striet, sondern jümmer för Frieden, un so denke ick denn, dat, wenn ick Friedensrichter wödre, ick manchen Proceß verhindern wörre.“

„Na, wenn du meinst, in Gottes Namen denn“ — sä drup de Oberst — „so wollen wir sehn, daß wir dir die Stelle verschaffen.“



Un so geschach et denn ook. De Oberst güng tum Minister un rekummandeerde sienen Riedknecht to jener Stäe, un disse kreeg denn ook richtig de Stäe un töög balde drup in sien neet Amt in.

Et wöören nu woll all'n sief, söß Wäken nah Swinegels Astog in sien neet Amt vergahn un sien ehmalige Herr harre noch nicks wedder van em hört. Da dachde denn eenes Dages de Oberst bi sich: „Ich, wie mag es denn wohl meinem neuen Amtsvogt und Friedensrichter ergehn? Will doch mal, da ich gerade Zeit habe und nichts Besseres zu thun weiß, hinüberreiten, um mich von seinem Befinden zu überzeugen!“ Un dat dāhe denn ook de Oberst, sette sich to Pärde un reede nah dem Dörpe, wo sien ehmalige Riedknecht jekt as Amtsvagt un Friedensrichter fungeerde.

As de Oberst vör den Huuse ankööm, stünd jüst de Deernstmagd — denn de Swinegel harre nu all freet un hölde siener Froo ook 'ne Magd — vör'n Huuse un hüng dat wusch'ne Tüg tum Drögen up.

„Wahnt hier de Amtsvagt Swinegel?“ fragde de Oberst.

„Ja woll“ — antwoorde de Magd — „aberst mien Herr is jekt nich to spräken!“

„Worüm denn nich?“ — fragde de Oberst.

„He hult eben Gericht“ antwoorde de Magd — „un da lett he sich van Keenen bi stören.“

In densilvoigten Dogenblick, as de Magd dat seggde, hörde de Oberst van achter uut'r Amtsvagts-Wohnung en gräßigen Larm 'röberschallen. Et wöör wie dat Schreen van'n paar Minschenstimmen, datwischen luutes Flööken van sien'n ehmaligen Riedknecht, den jektigen Amtsvagt, un ook fogar wat, wie dat Klappen van 'ner dāgten Pietsche.

„Wat is denn dat aberst vör'n gräßigen Larm?!" — fragde de Oberst verwunnert.

„Na, ick segg Se jo, mien Herr hult eben Bericht" — antwoorde em paßig de Magd.

„Dat geiht da jo wunderbar bi her" — seggde de Oberst — „da mutt ick mi doch mal süloft van öbertügen, wat dat mit den Larm up sich hett." —

Damit stieg de Oberst af, bünne den Toom van sienem Pärde an't Stadtt um treebe in dat Huus. He güng risch öwer de Dähle nah der grooten Döns to, van woher de Larm erschallde. As nu de Oberst de Stuvendöhr upmaakte, da böde sich em en merkwürdigen Anblick dar. Vör eenen langen Disch, de queerdorch de Stuv' in twee Hälfdem deelde, stünnen rechts un links 'ne Antahl Buuren mit ehren Wiernern, wovan de Gene erbarmlick de Hanne rung un schreebe: „Ach, Herr, slaet'n man nich doot! Slaet'n nich doot!"

De Amtsvagt Swinegel wöör nämlich jüst daröber uut, eenen Buuren, den he mit'r linken Hand in't Nachhaar faatet un vör sich öber den grooten Disch tagen harr, mit 'ner grooten Hunnepietsche ganz gräßig den Buckel to verwalken. Dabi dreihde un winne sich de Buur wie'n Worm un stöhnde eenmal öber dat andere: „Ach holt man up! holt man up! Ik will mi ja ook geern verdrägen!" —

„Na, wat is denn aberst dat? — Wat is denn hier los?" rööp nu bi dissen Anblick ganz verwunnert de Oberst.

„Ach süh, Herr Oberst! Sien Se willkommen!" — seggde nu de Amtsvagt Swinegel, de vör allen Ihwer bi sienem Amtsgeschäft den Eintritt sienes ehmaligen Obersten eerst gar nich bemerkt harr. — „Et freut mi, dat Se mi ook mal besööst."



„Ja woll, dat wull ick“ — så de Oberst — „aberst segg mi man erst, wat hett dat hier to bedüden? Wat heft du denn mit disse Lühde hier egentlich vör?“

„Ich hole hier eben Friedensgericht af“ — antwoorde de Swinegel, — „twee Parteien heww ick all vereenigt, un nu wöör ick jüst dabi, hier mit der drünnen oof den Güteversuch antostellen.“

„Den Güteversuch?“ fragde de Oberst — „dat is ja 'n sonderbarer Güteversuch“.

„Ja, aberst he helpt“ — så de Amtsvagt Swinegel. — „Wat miene andern Collegen van Friedensrichters vör'n Art van Güteversuch hewwet, dat weet id nich, geiht mi ook nicks an. Disse aberst is miene Art un de helpt jedesmal. Wie id darto kamen bün, Herr Oberst, dat will id Se in Worten vertellen. In der eersten Tied miener Amtsföhrung, wenn id da dat Friedensgericht afhöle, denn rede id mi de Khele heeser, üm de Buuren to bewegen, dat se doch van't Prozeßseeren aflaten un sîd verdrägen mugten. Et hülpe Allens nicks. Se blewen stief un starr bi ehren Gegensinn. Toleht reet mi denn mal de Geduld bi Enen, de darto ook uutfallend in sienen Reden gegen mi wööre, id faate em in'n Nacken, tög em öber'n Disch, un bearbeide em den Pudel ganz gehörig mit miener Hunnepietsche. Nah den ersten söß, acht Slägen rööp he all: „Id will mi jo verdrägen, Herr Amtsvagt, id will mi jo geern verdrägen!“ — Un so kööm et ook. Glets as id'n loos leet, kunn id dat Protokoll sluuten, wo he un sien Gegner ümmersehrewen, dat se ehren Striet dorch Vergliet vör mienen „Friedensgericht“ bilegget harren. — Na, sehn Se, Herr Oberst, so wat maaket Freude, wenn man süht, dat man den rechten Weg upfunnen hett, sienen Verus to erfüllen. Sietdem bün id nu stännig bi disse Art van Güteversuch blewen. Id segge Se, Herr Oberst, wenn id bi so 'ner proceßfüchtigen Partee, de up mien Toreben nich hören will, da Enen herkriege un verwickle em gehörig dat Fell, — denn is et in der Regel bi sienen Gegenpart gar nich mehr nöhdig, bi dem ook noch mienen Güteversuch antostellen; he hett in der Regel all am Toeschn genoeg un redet all de Hand heröber an sienen Gegner tum Verdrage, ehe id em noch darto upfordere. Up disse Wies' heww id nu woll all an hundred striedige Parteen wedder verenigt un

eben so veel Proceffe verhinbert, woborch se sich sonst villicht um Huus un Hof un Froo un Kinner an den Bedelstam bröcht harren. De Inwahrner seht et nu ook all in, wat ick dergestalt Goodes an jüm dahn heww, un se nennet mi darüm all fast allgemeen hier nich anders as „Wohlthäter der Menschheit.“ —

„Is et nich so, ji Lörke?!“ — schreebe de Swinegel de Buuren an — „spräket un segget den Herrn Oberst, mienen ohlen Herrn, ob et nich so is?“ —

„Ja woll“ — säen de Buuren, wobi Genige sich den Budel krazden — „et is so.“ —

As nu eenige Lieb drup de Amtmann Amtsversammlung ahsolen dāhe, wobi jeder Buur Tottritt harre, um mögliche Beswerden gegen siene Börgesetteten vörtobringen, un de Amtmann jüm denn ook fragde: wie se mit ehren neen Amtsvagt tofreden wöören? — da meenden Genige, „se wöören sonst woll so wiet mit ehren Amtsvagt tofreden, aberst dat he den Güteversuch bi sienen Friedensgerichten etwas anders inrichten dāhe, dat schülle jüm doch ganz leev sien.“ —

„Ach was! Nicht räsonnirt! Das geht nicht“ — harre drup de Amtmann jüm antwoordnet. — „So lange der Swinegel euer Amtsvogt ist — wozu ihn die Allergnädigste Herrschaft gemacht hat, die euer Bestes wissen muß — so lange müßt ihr euch auch seinen Güteversuch gefallen lassen!“ —

„Dat kunn ick jo woll denken, dat ji disse Antwoord kreget“ — seggde drup en ohlt Buur to de Andern — „de staet sich jümmer enander bi.“ — Wenn de Amtsvagt en Swinegel is, dem is in der Regel de Amtmann ook nich veel beter.“ —

Korte Tied nahher, as de Oberst, wie eben vertelt is — den Amtsvagt Swinegel sienen Besöök maakt harre, kreeg disse eenes Morgens mit der Post en groot Schriewen van't Ministerjum, worin disse em anzeigbe, he wööre sienes Deenstes as Amtsvagt in Gnaden entlaaten, schulle aberst sienen bietherigen Gehalt as lebenslängliche Panschoon beholen.

De Swinegel kunn et gar nich begriepen, worüm se em so mit eenmal affettet harren un spröök daröber siene Verwunnerung gegen siene Froo uut.

„Dat warret wol davan kamen“ — meende se — „dat du bi dat Friedensgericht vör veertein Dagen, in dienen Güteversuchs=Ihwer, bi vergreepst un, statt den Buuren, sienen Gegner, den vörnehmen Herrn uut'r Stadt — et wöör jo wol 'n Hofrath oder jo wat — to faaten kreegst un mit diener Pietschen drapen dähest. De warret davan wol Anzeige maket hebben nah haben, un darüm warrest du nu dienes Deenstes entlaaten.“

Et wöör oof wörllich so, as Swinegels Froo meende. De Hofrath oder wat he sonst wöör, den de Swinegel uut Versehn astagelt harre, harre davan Anzeige maakt bi'n Minister. De harre nu den Obersten roopen laaten un de harre em denn vertelt, dat de Amtsvagt Swinegel wörllich up disse Wies' sien Friedensgericht astoholen plegge. Da harre de Minister twar ungeheuer lached, aber slüslich doch meent, et gänge doch nich, dat de Swinegel länger up sienen Posten as Amtsvagt verbleeme; he künne sick mal an noch'n Höhgern vergriepen un denn wööre de Düwel ganz los. He wulle daher lewer den Amtsvagt Swinegel in Ruhestand versetten, aberst, damit he man wieder keenen Larm maakde un sick tofreden geeme, em wulle Panschoon geben. —

„Et deist mi eegentlich doch leed, Vader, dat wi nu uhjen Stand missen mötet“ — fahrde Swinegels Froo in ehrer Red' voort — „de Titel Froo Amtsvagt'n, dat klinge doch better as Madame Swinegeln —.“

„Ich wat, schiet up den Titel“ — så ehr Mann — „de Gehalt is de Hauptsaak, un den behol' ick.“

So wöör denn de Swinegel as Amtsvagt in Gnaden sienes Deenstes enthaben un mit vuller Panschoon entlaaten. Dat wöörre öbrigenß nich de eerste un eenzigste Fall in dissen Lande, dat en Beamter, de sich während siener Amtsföhrung as 'n Swinegel utwieset harre, mit vuller Panschoon entlaaten wöörre.

De Swinegel töög balde drup mit sienen bitherigen Wohnoorde weg un begeev sich mit siener Familie in dat bekante Fürstenthum Rußrika. Hier kößde he sich in'n Haiddörpe en lütje Rothstæ, wosör he dat Koopgeld allmählig van siener Amtsvagts-Panschoon abetahlde, mit der Absicht, sien Leben nu recht un slecht as'n Hüsling in der Haide to besluuten. He wirthschaffde drüm up siener Kathe oök ganz so wie et oök siene Ellern dahn; he seiede sien Stück mit Bootweeten uut, damit et för em un de Siemigen nich an Bootweeten-Klütjen un Pankoken fehlen künne, plante darto noch dägt Kartuffeln, Worteln un Rösen, maade alle Jahr sien Swien fett, pahde good up de Immen, tagele siene Jungens un sien Froo nich mehr as nöhdig wöör, hölde so in siener Wies' den Staat Rußrika mit uprecht un lewde, in Öbrigen um de groote Welt sich nich kümmernd, still vergnöög mit siener Familie dahn, wie et 'n braven Swinegel tokummt.

Da bröök dat Revolutionsjahr 1848 an, wat manchen grooten Herrn uut siener Ruhe upstören schull, un den Swinegel oök.

---

## Dat söbente Kapittel.


---

Wie in'n Swinegel sienen Dörpe de Revolutschoon uutbröök un wat he  
dabi för 'ne Roll' spälen dähe.

**A**s nu in Dütschland dat Revolutschoons-Jahr anbraken wöör, wo  
dat Volk in Frankriet den König Lui Filipp weggjagt harr, un  
veele Fürsten in Dütschland bange wörden, et künne jüm ook so  
gaen, weil ehre Ministers noch gröötere Vangeböcken wöören un jüm dat  
intreden, un nu dat Volk dadorch briefte wörre un upstund, un in den  
Straaten de Straatenjungens de Straatenlateernen twee slöogen, un in'n  
Düstern nah de Polizeibeners mit Steenen smeeten, un denn de Zeitungen  
schreewen: „Auch bei uns ist gestern ein Volksaufstand ausgebrochen, das  
unzufriedene Volk ist vor des Regierungspräsidenten Hans gezogen, hat  
unter Absingung von Freiheitsliedern und mit sehr deutlichen Demonstra-  
tionen die Beseitigung der alten Uebelstände stürmisch verlangt“, — un  
as nu eenes Abends in Swinegel's Dörpe in'n Krooge de Dorpbarbeer  
an de versammelten Buuren eene Rede holen harre, worin he jüm uut-



anderfette, dat se oof Hurfaat harren untofreden to sien mit ehren Amtsvagt un ehren Buurmester, un as he dabi — füberroth in'n Gesicht van Patterjotismus un Sluckdrinken — mit de Fuust up'n Disch slöög un schreebe: „Und wer das jetzt noch nicht begreift, daß jetzt auch für uns die Zeit zum Handeln gekommen ist, der ist ein Schaapstopp, und wir müssen unsern Brüdern in den andern deutschen Gauen nachfolgen und dürfen nun auch nicht länger zurückbleiben.“ — —



Da harren de Buuren oof alle up 'n Disch slaen un harren schreet: „Nä, he hett Recht, wi drömet mi oof nich länger torügge bliwen“ — un denn wöören se alle mit eenanner noch to'r Nachttied vör den Amtsvagt sien Huus tagen un harren Perejat! schreet, un denn vör den Buurmester sien Huus un harren den de Finster insmäten. —

„Mein Gott! Worüm hewwt se denn dat dahn?“ — harr den Swinegel siene Froo ehren Mann fragt, as he uut'n Krooge nah Huuse kööm.

„Weil se untofreden sünd“ — harr de Swinegel antwoordet. —

„Öber wat sünd se denn untofreden?“ —

„Dat weetet se sülvst nich“ — sä de Swinegel — „aberst de Barbeer hett jüm in'r Rede dat klar maaket, dat se untofreden sien müßden, un da sünd se denn oof untofreden worden un sünd vör den Amtsvagt un den Buurmester sien Huus tagen un hewwt da Perejat schreet un jüm de Finster insmäten!“

„Aberst worüm denn vör de ehre Hüsser“ — fragde Swinegels Froo — „de Beiden sünd jo doch goede Lühd' un hewwt uns noch niemals wat to Leede dahn?“ —

„Kannst du dumm fragen“ — antwoorde ehr Mann — „weil se de eenzigen Beamten hier in'n Dörpe sünd. — Denn de Revolutschoon, müßt du meeten — fangt jümmer so an: Dat Volk, wat untofreden is oder wat Gener untofreden maaket hett, treckt vör de Beamten ehre Hüsser, schreet Perejat! — dat is Kramerlatien und heet so veel as: Hal di de Düwel! — smitt jüm de Finster in un haut jüm oof woll noch gar den Pudel vull, wenn't jüm to saaten frigg.“ —

„Dof wenn se nicks Slimmes vörher dahn hewwt?“ fragde se.

„Dat is enerlei“ — så de Swinegel — — „dafür sind se Beamte.“ —

„Dat is jo aberst gräfig“ — swöögdde Swinegels Froo.

„Dat deiht'n nicks, aberst dat is geschichtlich“ — så de Swinegel — „dat versteihst du as dummes Wiew nich beter, aberst dat mutt jümmer so kamen. Un weil wi hier nu keene höhgere Beamten hewot, so tögön de Buuren also vör den Amtsvagt un den Buurmester sien Huus un schreeden da Perejat un smeeten denen de Finster in.“

„Hast du denn ook mitschreet, Mann, un mitsmäten?“ — fragde den Swinegel siene Froo ängsterlich.

„J, bewahre! Ich heww bloot anhisset“ — antwoorde ehr Mann — „id bün jo keen dummen Keerl. Denn sühst du, in Revolutzschoonstieden kummt et jümmer so, dat dejenigten, de würllich de Revolutzschoon maaket, den Schaden davan hewot, nämlich achternah, wenn Alles wedder ruhig is un sienen ohlen Gang geiht, bi'n Koppe freegen un in't Loek stäken oder mindestens in Bröökstrafe nahmen warret; un dat bloot dejenigten, de jene in Stillen anhisset hewot, den Bördehl davan dräget. — Un darum bün id bloot Anhisser mit wesen, un dat id mienen Bördehl dabi ruutkriege, dafür laat du mi man sorgen; dat is mien Saak. — In ruhigen Tieden kann'n Swinegel keen' Karjeer' maafen; aberst in Revolutzschoonstieden, da kann 'n Swinegel et to wat bringen, un dat haap id ook. Et is vörkamen in solchen Tieden, dat Swinegels — — —“

„Ach, Mann, wenn du di man nich to hoch verstiggst in bienen Gedanken!“ — seufzde Swinegels Froo.

„Afsaaten kann'n jümmer“ — så de Swinegel — „un wenn id ook man fürstlicher Hofshöhneroogennutznieder warre — to wat

bring' id' et, darup verlaat bi. Mi swent all so'n Plan vör, wat id' darto vör'n Weg in der Politik inslaen mutt — he is mi man noch nich ganz klar. Doch, to so wat gehört Ruhe un Einsamkeit, denn wie'n grooter Gelehrter seggd: Die Einsamkeit ist die Mutter großer Gedanken — also, gah du jezt, legg di to Bedd un laat mi alleen. Dörfer aber lang' mi noch den Buddel mit Brannwien van't Böört; denn bi solken swaren Nahdenken mutt'n af un an 'n Lütjen nehmen!"

Swinegels Froo wagde ehren Mann nich to wedderspräken, langde den Buddel mit Brannwien heraf, sette den vör em up'n Tisch, seufzte deep up un sä: „Aberst, beste Vader, griep di man ook nich to stark an bi't Nahdenken!" — wobi se 'n swermöhdigen Blick up den Swinegel un ook up den Buddel richdebe. Denn geef se ehren Mann de Hand, böhd' em Gode Nacht! — güng in de Kamer un leggte sich slaapen.

De Swinegel aberst, de nu alleen wöör, schenkte sich en Glas Brannwien in, stüütde sienen Kopp mit'n Arm up'n Tisch un füng nu an nahdenken. Aberst an dissen Abend kreeg he den Gedanken, de em upstegen wöör, noch nich ganz klar; den Buddel mit Brannwien aberst kreeg he leddig.

Acht Tage lang jeden Abend dreem et de Swinegel nu ganz so wie an den ersten Abend, as in sienen Dörpe de Revolutschoon uutbraken wöör. Am negenden Tage aberst stünd he all 'n Stümm fröher as to'r gewahnten Tied mit'n Bedde up, weckde siene Froo un spröök: „Stah up un laaf Raffsch, un denn krieg' mi 'n rein Hemd her!" —

„'n reinet Hemd?" — fragde se verwunnert — „et is jo vandage noch nich Sündag." — Denn de Swinegel pleggte man alle Sündage 'n reinet Hemd antotreden, un oftmals denn ook noch nich.

„Dat weet id' woll" — antwoorde de Swinegel — „aberst et geiht

nich anders; tum hütigen Dage is'n reinet Hemd nöhdig. Un denn krieg mi oof mienen Hochtiedsrock her un .de manschesterne Bücks un de falscheddern Stebelsn."

"Wullt du denn uut, Vader?" — fragde siene Froo, nu noch mehr vermunnet.

"Ja woll" — antwoorde he — „ick will nah'n Ante!" —

"Wat givt et denn da?" — fragde siene Froo.

"Wat et da givt? — Da warret hüte en Deputeerten to'r Ständeverfsamlung wählet, un da mutt ick mit dabi sien."

"Du, Vader?" — entgegnebe siene Froo — „du hüst ja doch sünst nich mit dabi wesen, so veel ick weet." —

"Ja ha!" — sä de Swinegel, wobi he sich stolt in de Dost smeet — „dat sünd oof annere Lieden jekund. — Sünst wöör ick man Finnerk Swinegel de Hüsling, de bloot Afgaben to betahlen, aberst nicks mit intoreben harr. Siet der Revolutschoon aberst van dissen März, wo dat allgemeene Wahlrecht upkamen is, hün ick — Wähler, wahlberechtigter Staatsbürger, un herwo nu oof 'n Woord mit to fören. Vandage is nu de wichdige Dag, wo wi Buuren alle, lütje un groote, up'n Amthause vörladen sünd, um da en Deputeerten to'r Ständeverfsamlung to wählen, un da mutt ick nu hin un mitwählen."

"Wen wüllt se denn tum Deputeerten wählen?" — fragde siene Froo neeschierig.

"Wen se wählen wüllt, dat weet ick nich" — entgegnebe ehr Mann — „aberst wen se wählen schüllt, dat weet ick!" —

"Wen denn?" — fragde siene Froo noch neeschieriger.

"Mi schüllt se wählen" — rööp de Swinegel so luut, dat de Ratt,

de unbemerkt während jüm ehr Gesprääk up'n Disch klattert wöör un eben uut'n Melkputt to slappen anfangen harr, vör Schreck herünnerfüll.

„Mein Gott, Vader, wie schull dat woll möglick warben“, swöögte siene Froo.

„Wie dat möglick warben? — dat schallst du hüt' Abend erfahren, wenn ich wedder nah Huus kaam. Jetzt segg' ich di man so veel: ich hol da an de to'r Wahl versammelten Buuren 'ne Reb', wie se noch Keener vör jüm holen hett. Un wenn se mi nich darup eenstimmig to ehren Deputeerten wählet, so mag mi Jeder nahher mien Lebenslang Hansaars heeten un de lütjen Jungens möget mi, wenn ich dorch't Dörp geh, mit Aofhappeln smieten, un ich will et mi gefallen laaten. — Überhaupt, wat meenst du denn, dat ich ümsünst mit'n Barbeer tofamen siet dree Maanden de Hamburger Zeitung holen un les't un daruut mit em Voletik studeert herow? — De dree Mark, de ich daför uutgewen, schüllt mi woll Tinsen drägen! — So!“ — sä de Swinegel — „un nu giv mi mienen Gundagstock mit den messingenen Knoop un denn mienen Hoot her. Ich geh nu. Innerdeß maakst du hier en betjen rein, treckst di un de Kinner en betjen wat an un seggst de Schiet vör der Döhr weg, damit du mi würdig empfangen kannst. Denn wenn ich torügge kaam, denn bün ich wat mehr as'n gewöhnlicher Swinegel, nämlich — Deputeerter van der jetigen tweeten Kamer. Un du heest denn hier in'n Huuse oof nich mehr Froo.“ —

„Aberst herrjeses!“ — rööp se verschrocken — „wie denn aberst?!“

„Gattin! — heest du denn“ — sä de Swinegel. Dabi sette he sienen Hoot up, nöhm den Giedheister mit'n messingenen Knoop in de Hand un ging stolt tum Huuse hinaut. —

## Dat achte Kapittel.

Wie de Swinegel et anfäng, dat se em in sienem Amtsbezirk tum  
Deputeerden in de Ständeversamlung van Musfrika wählen dāhen.

**D**e Swinegel wōōr de erste up'n Plat, de bi'n Amtshuuse in den  
Dörpe, wo de Wahlversammlung ahsolen warden schull, ankōōm. —  
De Amtschriemer un de Amtsbeener wōōren eben dabi, 'n grooten  
Disch vōr'n Amtshuuse hintostellen; denn, weil nah den neenen Wahlgesetz  
de Tahl der Wähler jekt so veel grōōter wōōr, dat de Amtsstuw jüm  
swerlich alle faaten kunn, so harre de Amtmann, de as Wahlumharjus  
dabi fungeeren mußde, anordnet, dat de Wahlverhandlung bi den gooden  
Webber in'n Freeen, up'n Hof vōr den Amtshuuse schull vōrnahmen warden.  
Allmālig funnen sīd denn nu de Buuren uut'n Amtsdörpe un den andern  
Dortschaften in.

Innerbek nu de Buuren sīd so all jümmer mehr ansammelden, be-  
markde de Swinegel, wie up der eenen Sieb de Afsat mank jüm midden  
in eenen bicken Huupen stānd un den ganz iwtig torede, un eben so de

Pastor, de up der andern Siebe, oof midden in eenen dieken Huupen, et eben so maake.

„Aha!“ — så drup de Swinegel liefe bi sich — „de Beiden wüllt oof Deputeerte warden! — Ja, drie Dahler Deäten däglich, de smecket good, indeß to Huuse de Znnahme oof ehren Foortgang hett. Da harren ji beiden gelehrten Herren woll Lust darto! — Fülle oof woll noch, wenn ji so recht nah de Ministers ehren Sinne stimmen dähet, noch so'n Titel extra oder'n Piepvagel-Orden oder fünst so wat för ju mit af. — Aberst, Prostemahtlieb! — Da schall ditmal nids uut warden, id will ju beiden woll den Paß verhauen!“ —

Indem he so vör sich spröök, seeg de Swinegel, wie de Amtmann mit'n dieken Altknecht ünner'n Arm uut'n Amtthuuse treede un up den grooten Tisch, wo oof all'n Lehnstohl vör em parat stünd, togäng. De Altknecht, de den Amtmann oof glick to Gesichte kreeg, söchte sich uut den Huupen der Buuren ruuttoarbeiden, ün toerst an den Amtmann ranto-kamen; aberst de Swinegel, de dat längst wittert harr, — kööm den Altknechten tovör, wöör, troß siener scheewen Beene, mit eenen Sprung bi den Amtmann un spröök to den:

„Herr Amtmann, id melde mi as erster Redner! Schriewen Se also mienen Namen haben an up ehre List!“ —

„Ehr wohl, Herr Swinegel!“ så de Amtmann, indem he sich dafette un dat Paß Altknechten vör sich uubreede.

„He nennt mi Herr Swinegel“ — spröök de Swinegel bi sich — „fünst kööm dat oof nich vör. Etwas hewwet sich de Lieben also all betert. Man süht doch, woto so 'ne Revolutschoon good is.“ —



Indem harr nu de Afsat oof ſich bit an den Amtmann dördränget, maake en deepen Kraf-foot, nöhm ſienen Hoot af un ſä:

„Ich wollte mir erlauben, mich bei dem Herrn Amtmann und Wahl-Commiſſarius als erſter Redner anzumelden!“ —

„Der Herr Swinegel hat ſich bereits als erſter Redner angemeldet“ — entgegnete em de Amtmann.

„Wie?!“ — breihde ſich de Afsat verwunnert nah den Swinegel rüm un fragde in spött'iſchen Ton: „Sie wollen als erſter Redner auftreten, mein Wertheſter?!“ —

„Ja woll, mein **Allerwertheſter**, um Se an Höflichkeit nicks ſchuldig to bliwen“ — antwoorde de Swinegel — „un dat ick darto Se un ehres Griefen nich vörher um Erlaubniß to bidden bruuke, dat dent' ick doch.“ —

„Ei gewiß nicht, nein“ — ſä verblüfft de Afsat — „ich meinte nur“ —

„Ja, Herr Afsat, meenen dat drügt,“ — ſä de Swinegel.

De Amtmann leet drup dorch den Amtſchriewer uut 'ner langen Liſte de Namen aller to'r Wahl berechtigten Inwahrner upropen, worup jeder Anweſende mit „Hier“ antwoorde. As dat beendigt wöör, ſpröök de Amtmann:

„Meine Herren Amtſeingeſeſſenen und Wahlberechtigten, ich eröffne hiemit die Wahlverſammlung! Die geehrten Redner, welche ſich ſelbſt oder einen Andern zur Wahl empfehlen und dabei ihre Anſichten äußern wollen, ſprechen nach der Reihe, wie ſie eingeſchrieben ſind. Wenn Keiner mehr reden will, ſchreite ich dann zur Wahl ſelbſt und laſſe über den erſten Wahl-Candidaten abſtimmen. Der Herr Swinegel hat ſich als erſter Redner angemeldet. Derſelbe hat das Wort!“ —

De Buuren, as se hörden, dat de Swinegel as erster Redner up-  
treden wull, maakden nich wenig 'n langen Hals un keeken den Swinegel,  
as he twischen jüm hingung nah sienen Rednerplatz, dabi an, as ob se  
seggen willen: „Na, so wat!“ Aberst de Swinegel leet sich doch jüm  
ehr Antieken nich verblüffen, sondern güng risch weg nah de Redner-  
Tribühn to, de de Gerichtsdeener, weil he nids Betres darto upfinnen  
kunn, unt 'ner umstülpten Aaltunn' maaket harr, un de rechts vör den  
Amtmann sienen grooten Tisch stünd.

„Mit Verlööv“ — sä de Swinegel un töög den Aftaten, de tonächst  
der Tribühn up sienen Stohl gelehnt säünd mit'n sehr verdreethlich Gesicht,  
sienen Stohl weg, sette den neben de Aaltunn', stieg up den Stohl, van  
den Stohl denn up de Tunne', wo he jünst woll wegen siener korten  
scheewen Beene nich alleen hinupkamen wöör, — töög denn den Stohl in  
de Höchte un stelle em vör sich up den Tisch. Als de Swinegel un up  
der Tunne stünd, maakde he 'ne korte Pause, bit dat Gemmelmel un  
Gesummse in der Versammlung still worden wöör, denn nöhm he sienen  
Hoot af, verneigde sich erst rechts un links nah den Buuren to un tolekt  
liek unt nah den Amtmann to, un füng nu siene Red' an, indem he spröök:

„Meine Herren!“ — Darup maakde he wedder 'ne lütje Pause. —

„Se fangt siene Red' ganz schön an!“ — seggden eenige Buuren  
inner sich. —

„Na, dat kummt glichs noch schöner, paßt man mal up!“ — sä de  
Barbeer, den de Swinegel in den lekten Dagen vörher in sien Geheemnik  
tagen harr un de ganz up den Swinegel siene Sied wöör, weil de em  
verspraaken harr, wenn he man erst as Deputeerter in der Residenz sette,  
denn wull he et bald maaken, dat de Fürst em tum Hof-Barbeer ernennen dähc.



„Meine Herren!“ — ipröök nu de Zwinegel nochmals, wobi he noch  
lunter schreebe as dat erste Mal — „Gefchäfte Anwesende! Hochgeehrte  
Mit- und Staatsbürger!“ —

„Barrachtig, de Ned' ward schön" — seggden nu all mehre Buuren.  
— „Stille da! Stört em nich!" — rööpen jüm de Andern to, de all ganz erpicht darnup wöören, den Swinegel wieder to hören.

„Meine Herren!" — spröök nu de Swinegel tum drütten Mal un noch luuter as de ersten beiden Male, maatde denn noch 'ne ganz lütje Pause im fahrde dann eben so luut voort:

„Wi wahlberechtigten un wählbaren Wähler uut dissen Amtsbezirk, wi sünd hier versammelt, üm eenen Deputierten för us to wählen to'r tweeten Kamer!

„Eene nece Tied ist jezt anbraaken, un Dejenigten, de sünst bi solchen Dingen gar nich befragt wörren, de keen Woord dabi mitspräken dröwten, nämlich de lütjen Lühde — wat wi sünd, de Hüslinge, Rötter un Dage-löhner — de mötet jezt oof fraget warden un dröwet oof mitspräken. Dat is jezt uhse Recht, wat wi jezt brunken künnt, wenn wi keene Schaapsköpfe sünd." — —

„Bravo!" — schreebe de Barbeer, de midden in den dicksten Humpen achter den Swinegel siener Rednertribühn' stünd, um sä to de beiden em nöchsten Buuren rechts un links, indem he jüm mit'n Ellbogen inne Rippen stött — „So schreet doch mit!" — un

„Bravo! Bravo!" — schreeben de Beiden.

„Ich danke Ihnen, meine Herren!" — sä de Swinegel, wobi he sienen Hoot afnöhm un sich verneigde.

„He spricht schön!" — sä de Barbeer, wobi he sich vergnüögt de Hanne reev.

„Wunderschön spricht he!" — seggden de Buuren.

„Also, meine Herren" — fahrde nu de Swinegel voort — „laadet

us jekt de Hauptfrage betrachten, worup et hier eegentlich ankummt. — Disse Frage lutt: wen wüllt wi wählen? oder oof: wen mötet wi wählen? — wenn wi keene Schaapsköpfe sünd. — Disse Frage is licht to beantwoorden. — De Antwoord heet: „Wi mötet denjenigen wählen, van den wi öbertügt sünd, dat he in de Kamer för usse Beste, för dat Wohl der lütjen Lühde, för us Hüslinge, Köther un Dagelöhner spräken un stimmen deht. — In fröheren Dagen, wo bloot de Beamten un Rullmeiers un Halsmeiers un annere vörnehme Lühd' dat Recht harren to wählen, da wählben se jümmer Eenen uut ehrer Midde, Eenen van de Vörnehmen, van de Dickköppe un Fettbüüke. — Un wat dāhe de denn in de Kamer? — De spröök un stimnde bloot tum Vördehl van siener Klasse, de sinne un wirtde bloot dāhin, dat de Dickköppe man noch dicker un de Fettbüüke noch jümmer fetter warden dāhen. Van us lütjen Lühde wöör bi jüm niemals de Rede, as höchstens, wenn us nece Stüern un Lasten upbürdet warden schullen. — Dat wöör de ohle Tied. Aberst de is nu Gottlov! vörbi. Un jekt is de nece Tied da, wo dat geringe Volk, de lütjen Lühde, de gemeene Mann, uich bloot Plichten sondern oof Rechte hett, un de Rechte wüllt wi jekt gebrunken — wenn wi keene Schaapsköpfe sünd.“ —

„Bravo!“ — schreebe de Barbeer un so luut, dat'n binah de Stimm' översnappde, un stött dabi de Buuren rechts un links, un vör un hinter siē an, dat se alle mitschreen schullen, wat se denn oof dāhen un nu alle so luut „Bravo!“ mitschreeden, dat den Gerichtschriever vör Schreck de Fedder uut'r Hand füll, un de Amtmann — vör Erstaunen öber siene Buuren — eene duppelte Brief' uut siener süßvern-verguldeten Snustabacksdoß' nöhm.

„Ich danke Ihnen, meine Herren!“ — så de Swinegel, wobi he wedder sienem Hoot afnôhm un sîk dabi noch deeper verneigde as dat erste Mal.

„Also“ — fahrde drup de Swinegel voort — „kaam’ ick denn tum Sluß mîner Rede un de lutt so! — Also môtet wi disseß Mal keenen van de vörnehmen Lühde tum Deputeerten wâhlen, sondern wi môtet uhse Recht gebrauken, wat disse nece Lieb us gewen hett — un môtet Enen uut uhjer Mîdde tum Deputeerten wâhlen, Enen van de lütjen Lühde, un twarst Enen, de good sprâken kann, un dabi briedte ist, en gemeenen Mann, mit dem de Ministers un vörnehmen Keerls in der Kamer sîk scheneert sîk intolaaten, um em to ehre Parthee heemlich rôvertotreden, also je gemeener desto beter!“ —

„Denn — Witbörgers — kûnt wi keenen Betern wâhlen as den geehrten Redner Swinegel sülöst!“ — schreede nu de Barbeer, de jekt — (wie he et Dags vörher mit den Swinegel aslaartet harre) — den Dogenblick gekamen erachtede, vör dissen den Haupttrumpf nuttospâlen — wobi he sîk neben den Swinegel up de Tun’ swüng; — „denn — Witbörgers — dat is doch so — Keener van us sprîcht dütlicher as de Swinegel, Keener van us is briedter as de Swinegel, un Keener van us is — oof gemeener as de Swinegel! — Ik frage ju: Is Gener mant ju, de sîk fôr noch gemeener hult as den Swinegel, de trede hervör un melde sîk!!“ —

Aberst Keener trede hervör un melde sîk. — Se sweegen alle still. De Amtmann sweeg still un de Afsat sweeg still un de Pastor sweeg still un de Gerichtschrieber sweeg still un de Gerichtsdeener sweeg oof still. Denn wenn Mancher sinner jüm in Stillen oof den Aumern oder

sich sülvst för eben so gemeen hölde as den Swinegel, so wullen se dat doch nich luut seggen. Un de Buuren sweegen oof alle still, hauptfächlich, weil de dachden, dat van jüm doch Keener so good spräken kunn as de Swinegel.

„Nun denn, meine Mitbürger!“ — spröök drup so luut, wat he man ropen kunn, de Barbeer — „da sich, wie vorauszusehen, Niemand auf meine Aufforderung meldet, so ist damit — der Mitbürger Swinegel einstimmig zu unserm Deputirten gewählt! — Herr Amtmann, lassen Sie die Gegenprobe machen, wenn es die Vorschrift so erheischt, und lassen Sie diejenigen, welche gegen diese Wahl sind, die Hände erheben!“

„Meine Herren Wähler“ — spröök drup de Amtmann — „wer gegen die Wahl des Herrn Swinegel zum Depntirten ist, der erhebe die Hand!“ —

Aberst keene Hand erhöv sich; de Buuren leeten alle ruhig ehre Hännue in den Böcksentaschen. —

„Dat wüßde ick ja im vöruut“ — sä de Barbeer bi sich — „ehe so’n Buur de Hand uut’r Böckse treckt, kann de Himmel insfallen. — Wenn ick dat Gegendehl as Probe för den Swinegel verlanget harre, dat se nämlich, üm em to wählen, de Hand harren erheben schullen, denn harre de Saale mißgaen kunn. — Aberst ’n ächter Politikus mutt ’n Menschentemner sien, wie ick Gener bün“ — — sette he mit Selbstgeföhl hinto.

„Der Amtseingeseffene Swinegel ist einstimmig zum Deputirten dieses Amtsbezirks für die zweite Kammer erwählt!“ — sä nu de Amtmann. „Ich erkläre damit die heutige Wahlversammlung für beendigt!“ —

„Es lebe unser Deputirter Swinegel! Vivat hoch! Hurrah!“ —  
schreeb drup de Barbeer, wobi he siene Müge swüng, un —

„Vivat, Swinegel hoch! Hurrah!“ — schreeben em nah alle Buuren.

„Mitsbürger, ich danke Euch für diesen Beweis Eurer Achtung! —  
Ich werde Euer Vertrauen zu rechtfertigen wissen!“ — sprööf drup de  
Swinegel up Hochbütsch — wobi he sich mit der Hand de Näs' snöv  
un den Snappen achter sich smeet. —

„Wenn er nur Stich hält, mein Lieber“ — sä halfliefe de Röster,  
de oof 'n Haupt-Politikus wöör, tum Barbeer — „und ihm, wenn er erst  
in der Residenz, man nicht auch der Hochmuthsteufel in den Kopf fährt,  
so daß er conservativ und der Volksache abtrünnig wird!?“ —

„So lange er sich mit der Hand die Näs'e snaubt, Herr Cantor“  
— entgegnete de Barbeer — „steht er fest und bleibt, was er jetzt ist,  
ein Volksmann — das ist ein sicheres Prognostikon, können Sie mir  
glauben!“ —

„Nun, dann wollen wir wünschen, daß er sich nie ein Schnupstuch  
anschaffe!“ — sä de Röster.

„Sehr wahr!“ — slööt dat Gepräät de Barbeer, wobi he sich mit'r  
Verneigung van den Röster verasscheede, um nah'n Krooge to gaen, wohin,  
mit Ausnahme der Null- un Halfmeiers, de Buuren alle all hingaen  
wöören, ehren Deputeerten in'r Midde, un wo se uut Freude öber disse  
famöse Wahl sich alle besnuupen wullen, wat se oof dāhen. —

As nu aber in der Residenz bi'n Fürsten van Ruffrika de Nachricht  
indrööp, wat se in dissen Amtsbezirk vör 'ne Wahl drapen harren, da  
slöög de Fürst, uuter sich vör Verwunderung, de Hämme öwer'n Koppe  
tosamen un rööp:



„Man schickt mir einen Swinegel als Deputirten in die Kammer!  
— Das sind ja entsetzliche Zeiten!“ —

„Ach, Durchlaucht“ — sprööt drup de Hofmarschall — „die Zeiten,  
fürchte ich, werden noch schlimmer als sie schon sind. — Gebe der Himmel  
nur, daß wir am Ende nicht gar noch einmal einen Swinegel zum  
Premierminister bekommen!“ —

„Dann müßte ich erst selbst zum Swinegel werden!“ — schreede  
de Fürst. — „Ich will allein sein!!“

Damit winkte he mit der Hand, de Hofmarschall verneigte sich bree-  
mal un güng denn rückwärts to'r Döhr hinuut, so gau he man kunn.

Als de Fürst alleen wöör, versünt he in deepes Nahdenken.

## Dat negende Kapittel.

Wie de Swinegel up 'ne wollfeile Aart siene eerste Reise nah de Residenz as Deputeerter maaken dāhe.

**B**ringt denn dat nu ook wat in, Vader, dat du nu Deputeerter worden büst?" — fragde den Swinegel siene Froo ehren Mann den Morgen, as he sich antöög, üm nah de Residenz to reisen, weil da Dages darup de Ständeversammlung eröpent wörre, wo he doch as Deputeerter nu mit dabi sien müßde.

"Dree Dahler Deäten däglich" — antwoorde de Swinegel.

"För dree Dahler to äten krieget ji däglich?" — fragde se erstaunt.

"Ach, frag nich so dumm" — sä de Swinegel verdreetlich, denn he wöör in sienen Kopp jüst mit wichtige politische Gedanken beschäftigt. —

"Dree Dahler krieget wi Deputeerten jeder däglich uut der Staatskasse uutbetahlt, un för de künm wi äten un drinken, wat us lüstet — darum heet dat so!"

„Och leewer Gott!“ — swöögdde se — „so veel Geld kann jo doch an eenen Dage unnäglich en Minsch vertehren!“ —

„Un dat is ook mien' Afficht nich in't Geringste“ — sä de Swinegel, — „ick denk' mi dägt wat davan öbertosparen. Ik will mi da as Deputeerter ganz sparsam inrichten. Krieg' mi drüm 'n Schinken un 'n paar Nettwüst uut'n Wiemen, sla mi 'n paar Pund Botter in'n Putt, un dat deihst du mi mit'n halwet Brot in'n Büdel, un da gah ick mit los!“ —

„Wult du denn de ganze Reif' to Foot maaken? — dat sünd jo fief Wielen Weges“ — sä se.

„Ja woll, dat denk ick. Wer sparen will, mutt glichs damit anfangen un nich erst morgen oder öbermorgen, süust ward'r nicks uut. Willicht draap ick ook de Post ünnerweges, denn gew ick den Postilljoon, de mi as sien' ohlen Kollegen van't Regiment all so geern mitnimmt, veer Schilling un föhr' as blinder Passascheer per Buck mit, oder ick draap ook 'n Buuren, de Holt oder Lörj nah'r Stadt föhrt, un stieg' da en betjen mit up.“

Während he so spröök, harr de Swinegel sich so wiet, as em darto nöhdig schien, antagen, siene Froo reckde em un den Provijant-Büdel her, den he mit de Dreckstebeln up'n Handstock öber de Schulter häng, denn gew he siener Froo de Hand un spröök:

„Na denn abjäs, Gattin!“

„Och Gott“ — sä se half schamerig — „et kummt mi doch sunderbar vör, dat du mi so nöömst.“ —

„Et mutt aberst sien“ — sä de Swinegel mit Würde — „wi sünd jekt Standespersonen un mötet uns allgemach nu ook an de vörnehme

Umgangswies' gewöhnen. Darüm littst du et nu ook nich mehr, — hörst du! — dat de Kinner sîd hier glichs vör dat Huus hinsettet un wat maaket; — laat jüm van jekt an achter dat Huus gahn. De Panzen mötet nu ook allmälîg sienere Maneeren kriegen. — Im Öbrigen paß mi good up't Huus un söhr' sîx dat Regiment wärend miener Afwesenheit, wie 'ne ördentliche Swinegelsmober tokummt. Un so denn adjäs, Vattin!"

"Krieg id denn nich bald Nahrîcht van di, beste Vader" — så se weenerlich — "damit id mi nich to veel üm di ängstigen dohe?"

"Id schriev an den Barbeer, weil du jo doch keen schreven Schrift lesen kannst, un de kann di den Breef vörlesen. Öbrigens warret ji ook woll bald wat van mi in de Zeitungen to lesen kriegen."

"In de Zeitungen?!" — fragde se verwundert.

"Ja woll. In de Zeitung warret nu woll bald so wat to lesen stahn as: „Gestern hielt der Deputirte Swinegel eine große Rede über Abschaffung des Zweikammersystems" — oder: „heute brachte der Deputirte Swinegel in der Kammer einen Antrag ein über eine neue Steuer für alle Diejenigen, welche wöchentlîch mehr als ein reines Hemd anziehen."

"So wat mußt du vörbringen, Vader?" — swöögd se siene Froo, — „Herrjeses, wenn du man nich to wiet geißt!" —

"Id denke jüm noch nögger, as bit an't Hemd, up't Fell to kamen, disse Astokraten" — så de Swinegel; — „se schüllt erfahren, wat et to bedüden hett, wenn en wärtlîchen Swinegel in'r Kamer mit sitt un nich bloot luuter heemliche wie bîther." —

Damit gung he to'r Döhr hinuut.

Als de Swinegel ongeveer twee Stúnnen marscheert wóór, kóom he in'n groot Holt, dorch wéltet de Fahrweg nah der Residenz síd hintóög.

„So“ — sá de Swinegel bi síd — „nu wúllt wi eerst en betjen fróhstúcken. De Klock is tein, dat is so mien Lieb.“ Damit gúng he van de Landstraat sietafwárts in't Holt, sette síd achter 'n dícken Busch, weil't 'n klaren Dag wóór un de Sún all 'n betjen an to stáken sún, maakte síenen Búdel up, sneede síd 'n búgt Stúck Speck un Brot af un síng an to áten, wobi he af un an ool 'n Sluck uut síenen Búddel nóhm. He wóór ungefáhr mit síen Fróhstúck fertíg, da seeg de Swinegel en Extrapost-Kutsch up de Landstraat bessúlvígten Weges, den he so wiet gaen wóór, daher kamen.

„Na, Swager, wohin geiht et?“ — róöp he den Postilljoon an, as de Kutsch an em vórbífohrde.

„Nah'r Stadt!“ — antwoorde de Postilljoon.

„Aberst du fóhrt fór 'ne Extrapost ja bannig langsam“ — meende de Swinegel.

„Já hew noch nícks drunken vermorgen“ — sá de Postilljoon.

„Aha“ — sá nu de Swinegel bi síd — „dat sánd also síene Herrens, de he fóhrt. Dat kenn' íck uut mien' eegene Postilljoons-Praxis; so'n vórnehmét Volk is jümmer nátschieterig un giezig, de laatet 'n Postilljoon selten 'n Sluck inschenken. Un de dummen Keerls máhden doch ool weeten, dat, je mehr de Postilljoon drínkt, desto gauer loopet de Párdé! — Na, wi wúllt wenigstens van dísse langsame Fahrt profetereen un us en betjen achter upsetten; denn — demúthig gefahren is beter as hochmúthig gegangen — wi dat Spríckwoord seggd.“

So slóót de Swinegel síen Selbstgespráák, raffde síenen Provígant-

büdel un de Dreckstebeln — denn he wöör uut Sparjamkeit bitlang barfoot marscheert — tofamen, lööp denn, so gau em siene Veen' man drögen, der Kutsche nah, de he oof bald wedder inhalet harre, un muppi! seet he mit siener ganzen Bagasche dar achter up.

De veer Herren, de in de Postkutsch seeten, wöören aberst würllich, wi de Swinegel recht rahden harre, vörnehme Herren. Et wöören veer ablige Riddergoodsbesitzer, lebenslängliche Mitgleeder derersten Kamer, de oof to'r Eröpfung der Ständerversammlung nah'r Residenz hin wullen. Natürllich spröökten se ünnerweges över dat politische System un de klößten Maafregeln, de de Adel un de Aristokratie öberhaupt in disse Revolutschoon: Lieb inholen müßde, um up 'ne slane Wief' ehre öhlen Gerechtsame un Vörrechte gegen de Wöhlers un Demokraten sick to erholen. De Swinegel, de nu, ohne dat jene dat ahnen kunnen, achter up ehre Kutsche seet, un de en scharpet Ohr harr, kunn dat Meiste van dat Gespräch der veer Herren in der Kutsch verstahn.


„Wir werden sehr heftige Reden von den Mitgliedern der Opposition zu hören bekommen“ — sä Eener der Eddellühde in der Kutsch; — „diese Demokraten werden ein entsephliches Geschrei gegen uns und unsere Vorrechte und angeerbten Privilegien erheben!“

„Lassen Sie die Kerls nur schreien, mein lieber Baron“ — antwoorde em en Andrer van de veer Herren — „wir bringen sie endlich doch wieder alle zu Bette!“

„Na“ — sä de Swinegel halfliese vör sick — „wenn ji mi oof in jüe Bed mit hinin bröchtet, denn kunn et doch licht passeeren, dat iß ju dat Bed en betjen fuhl maade!“ —

Mittlerwiele harr de Swinegel et sick achter den Kutschentasten bequem

maaket. He hadde sich siene korte Piepe mit'n Nasertopp ruutkregen, den vull „Petum“ stoppet, sich ließe Füer anpinkert, un füng nu fix an to smöökten. Dabi geschach et nu mehrmals, dat de Wind, de van achter her kööm, etwas van den Swinegel siene Tabackswolken in den Rutschenslag smeet.



Mehrmales harren nu all 'n paar van de Herrens drinnen de Nähse fruuß tagen un snüffelt; un se dachden eerst, dat kööm woll van den

Postilljoon her, dat de fienen Kneller smööbde. Aberst de Postilljoon  
harre keene Piepe, sondern prüntjere bloot.

„Sonderbar“ — spröök endlich Gener van de veer Eddellühde —  
„wir rauchen doch Jeder unsre feine Havannah-Cigarre, und doch ist es  
mir schon mehr Male gewesen, als ob ich hier ganz gemeinen Kneller  
röche.“ —

„Ja, mir ist es auch schon so vorgekommen“ — meende en Tweeter  
van de Herren.


„Ja, töv man“ — så de Swinegel halfliefe lachend vör sich —  
„wenn wir man eerst in de Kamer mal tofamen sittet, denn will ich ju  
noch ganz anders inröökern, wie et hier geschüht!“ —

Un so schull et denn, wie wir nu balde hören warret, oök wütklich  
kamen.



## Dat teinde Kapittel.

Wie de Swinegel sick in de Ständeverammlung up de üterste Linke settet, un wie he bi 'ner Vörsammlung, de de Linke hōölde, dat Woord sprōök: „Up veelte Snacken kummt et nich an, sondern dat man för siene Parthee to'r rechten Tied handeln deiht!“ — un wie de Swinegel dat wahr maakde.

 nu de Ständeverammlung erōpnet wörre, nōhm de Swinegel, wie nich anders to erwarten stünd, gliets sienen Platz up der Bank der Oppositschoon un twar sette he sick up den Eckplatz an der ütersten Linken.

In den ersten veertein Dagen verhōöl he sick ganz stumm, stümme twar, wenn't an't Afstimmen lōöm, jümmer fix mit siener Parthee, hōöl aberst weder 'ne Red' noch sprōök he sünst 'u Woord bi de Verhandlungen. As drüm sien Redder, de Virtselsmeier Enakentopp, de oof eener van sienen Wählers mit wōör, unt'n Dörpe rinkōöm nah de Residenz un den Swinegel besōche, sprōök de to em:

„Aberst, mein Je, wat is denn dat Bedder? — Wi wöören so neeschierig up diene Reden in de Ständeversamlung un herwt drüm jeden Abend, wenn de Zeitung kööm, us de van'n Barbeer in'n Krooge vörlesen laaten, aberst wi herwt di bis jezt da noch gar nich ünner de Redners mit upndömt funnen! Hest du denn noch gar nicks spraaken in'r Kamer?“

„Jä herw mi erst 'n betjen up't Luuren leggt,“ — antwoorde em da de Swinegel — „üm den Gang der Dinge un de Gesinnung van de andern Keerls kennen to leernen. Wenn för mi de Tied da is, wart ick all spraken. Un öbrigens herwt ji doch woll lesen, dat da in de Zeitung in den Bericht van de Kamerverhandlungen oftmals schrewen stünd: Allgemeines Gemurmel von der Linken!“ —

„Ja, dat herwt wi faken lesen“ — antwoorde Snakenkopp. —

„Na, da bün ick jümmer mit dabi wesen“ — sä de Swinegel — „dat segg jüm man. Un denn harr ick di seggt: „Up dat veele Snacken kööm' et bi'n achten Volksmann in der Kamer ook nich an, sondern dat he to'r rechten Tied handeln dähe“ — un dat schullen se bald erfahren, dat ick dat Woord wahr maakte, sobald sück man de Gelegenheit darto fänne.“ —

Mit disse Antwoord wöör nu Snakenkopp tofreden, un as he nah Huus kööm un öwerbröche de den andern Wählers um Luuren, da wöören de ook damit tofreden. Van den Tage an pashden se nu aberst höllisch up, wenn denn de rechte Gelegenheit tum Handeln för den Swinegel woll kamen wörde.

Disse Gelegenheit kööm aberst endlich würllich.

As nämlich de Ständeversamlung all veele Sizingen holen harr,

worin aberst meist doch man Nebenfragen verhandelt un ganz oder oof man halv erledigt wöören, da nahde de Dag, wo för disse Ständeverfammlung de egentliche Hauptfrag' to'r Verhandlung un Entscheidung kamen schull. Dat wöör nämlich de sogenannte Domänenfrage. Dat wöör nämlich so damit. Bither harre de Fürst van Muffrika alle Domänen an Forsten, Bargwarten, Salinen, Möhlen u. s. w. as Kroongoob, as fürstliches Familien=Gegendohn besetzen. Nu verlangde aberst de Oppositschoon, dat van jekt an alle disse Domänen to Staatsvermögen erkläret, de sämmlichen Einkünfte davan in de Staatskasse flecten, de Fürst aberst för sich un sienes Huusholt un Familien=Nothdurft en fastet Gehalt, wat man Zivilliste nennt, alljährlich kriegen schull, so wie et in England un Frankreich un Belgien un andern Ländern siet längern Tieden in Gebruuk wöör. — „Denn“ — so seggde de Oppositschoon — „wenn de sämmlichen Domänen för Staatsräkning verhuert warret, so bringet se wenigstens dat Veer=Duppelte in, wi jekt, wo'r bloot de fürstlichen Domänenpächters bid un rief van warret; un wenn wi denn uhfen Fürsten oof 'ne ganz düchbige Zivilliste uutszettet, so hemmt wi van de Domänen=Einkünfte doch noch'n paar Milljonen för den Staatsschatz öber, womit wi sowoll van de ohlen Staatsschulden alljährlich 'n ördentlichen Ploeden abbetahlen, as womit wi oof dejenigten Stüern, de up de ännern Volksklassen am meisten drückt, verringern könnt.“ —

As nu de Dag der Sitzung herannahde, wo disse Domänenfrage in der tweeten Kamer entschieden warben schull, da hölde de Oppositschoon eene Börverfammlung Abends vörher in eenen grooten Weerthshuns=Saal ünner sich af, wo se sich beradden wullen, wi se sich bi der Abstimung in disse Frage den Sieg verschaffen wullen. Dabi spröök denn de Prä-

sident dieser Böverfammlung: „Meine Herren von der Opposition! Es steht sehr schlimm mit uns in dieser Frage. Ich fürchte, wir werden bei der Abstimmung in der Kammer gegen die Mitglieder der Regierung auf der rechten Seite in der Minderheit verbleiben. Sie wissen, wir sind in der Kammer, die Linke und Rechte, uns ziemlich an Zahl gleich. Nun ist aber der Uebelstand eingetreten, daß nicht nur einige von unsern Mitgliedern krank geworden und morgen nicht kommen können zur Sitzung, sondern daß auch manche ländliche Deputirte sich nicht länger hier haben halten lassen, und, wegen der bei ihnen daheim bevorstehenden Ernte, zu Hause gereiset sind. Es fehlen uns also morgen zur Majorität wenigstens fünf Abgeordnete oder deren Stimmen. Was ist dabei zu machen? — frage ich Sie.“

„Wenn nur von der Regierungspartei, von der Rechten, zu der Sitzung eben so viele ausblieben, oder wenigstens bei der Abstimmung fehlten!“ — bemerkte ein anderer Oppositijschoons-Mitglied.

„Ja, dann wäre uns der Sieg gesichert!“ — seggte der Präsident.

Up eenmaal stünd der Swinegel van sienem Stohle up un sprök:

„Wat is dat, meine Herren? — Also, wenn man hief oder sôh van der Regierungsteerls bi der Abstimmung nich da sünd, denn is der Sieg uhse, meenet Ji?“

„Ja wohl, geehrter College“ — så der Präsident, — „wenn nur so viele von der Rechten im entscheidenden Momente nicht am Plaze wären, so würde ganz sicher der Sieg unser sein.“

„Na, good denn“ — så mit Nahdruck der Swinegel — „dat nehm' ich up mi, dat to Stande to bringen.“ —

„Wie, geehrter College“ — entgegnete em der Präsident — „Sie

hoffen doch nicht etwa, wenn Sie heute Abend bei den Mitgliedern der Rechten umhergehen — vorausgesetzt, daß Sie mit einigen derselben in einem intimeren Verhältnisse stehen sollten, was ich freilich für sehr möglich halte — Sie hoffen und glauben doch nicht etwa, davon Einige durch Ihre Vorstellungen, durch das, was Sie zu denen sprechen wollen, für uns gewinnen zu können?!"

"Ach, dummes Tüg" — antwoorde de Swinegel — „wat sprechen, — hier helpet keen Spraken mehr, hier mutt man to handeln weeten." —

"Sehr richtig, geehrter College" — füll ein nu wedder de Präsident in't Woord — „aber ich begreife nur nicht, wie Sie hiebei handeln wollen? Ich wüßte in der That nicht, welches Mittel Sie in Anwendung bringen könnten, so daß im entscheidenden Augenblick der Abstimmung ein halbes Duzend Mitglieder der Rechten auf ihrem Plaze sehten?!" —

"Wat för'n Mittel?" seggde de Swinegel — „na, eigentlich is dat mien Geheimniß! Aberst wenn Ji et denn doch so gerne weeten möchtet un et to Zuer Beruhigung deenen kann, so will ick et Ju seggen. Aberst gewet mi vörher Alle Jue Ehrenwoord, dat Ji swieget. Davan dröv Keener, uuter us Oppositschoons-Mitgleeders, vörher 'ne Ahnung hebben. Will Ji mi Jue Woord drup geven?" —

„Ja woll! Ja woll!" — rööpen alle Oppositschoons-Mitglieder. —

„Na, denn so höret to" — seggde nu de Swinegel, wobi he en samöset Gesicht maakde — „mien Middel is: — — ick stinke se weg!!" —

„Wat? — Was? — Wie?" — rööpen eenige Mitglieder, de nich glicks verstünnen, wat he damit meende. —

„Wie ick dat maakde? — fraget Ji" — sä de Swinegel. „Dat is ganz eenfach. Hüte Abend, eh ick mi to Bedde legge, äte ick en Pund

Knobloof un nehme dabi toglick wat to sweeten in. Denn hewwe ick morgen to rechter Tied eene Huut-utdünstung so scharp, dat et keen Osse in miener Nöckde uuthült. Wenn denn nu morgen fröh de Debatte so wiet vörschritten is, dat se nu nahe to'r Affstimmung steiht, etwa so'n tein Minuten vörher, denn gahе ick van mienen Platz up der ütersten Linken plöglіch weg un sette mi midden ünner de Rechte up de Bank, wo jäst de vörnehmsten Keerls van der Regierung un de adligen Deputeerten sittet, de de Buuren dumm genoeg wesen sünd, oof mit in de tweete Kamer to wählen. Un denn passet man mal up, denn schall et nich lange duhren, denn vertrecket sich Gener nah den Andern van de Muschüß; dat hult Keener van disse fienden Näsken in miener Nöckde über'n paar Minnten uut. — En halo Duß wegstofriegен, segget Ji, darup kommt et an? — Ja, dat is Kinnerpill vör mi. Ich glöw, wenn ick et ördentlich drup anleggen will, so stinke ick nöhdigenfalls de ganze Rechte uut'r Kamer weg!"

De Oppositijschoons-Mitglieder keeken sich alle verwunnert an un wüßden nich, wat se darto seggen schullen. Da bröök de Präsident, de en Afkate wöör, plöglіch dat allgemeeue Stillswiegen un rööp:

„Ausgezeichnet! Ausgezeichnet! Vortrefflich! — Ja, geehrter College Swinegel, Sie haben Recht! Dieses Ihr Mittel ist unübertrefflich, kühn zwar, sehr kühn ist es — aber, wie wir Lateiner sagen — „audaces fortuna juvat“ — aber unsehlbar. — Sie sind ein tiefer Menschenkenner nicht nur, sondern wirklich ein Casuist, der seines Gleichen sucht. Schade, daß Sie nicht Jura studirt haben. Was hätten Sie für neue Einreden, für außerordentliche Rechtsmittel zc. ausfindig gemacht, auf welche nie vorher ein Rechtsgelehrter gekommen. — Seien Sie ganz ruhig, meine

Herren, seien Sie vollkommen beruhigt. Der Sieg ist unser. Wo solche Hilfe, wie sie unser Freund Swinegel hier in petto hat, im rechten Augenblick zur Stelle ist, da kann der Sieg nicht mehr zweifelhaft sein!"

"Na" — så drup de Swinegel, to de andern anwesenden Collegen sich wendend — „höret Ji nu woll, dat id Recht heww, wenn id behaupte, dat id Ju dorch mien Middel ganz untwivielhaft tum Siege verhelpe? — Ji höret et jezt uut dem Munde uhfes Herrn Präsidenten sülost. Un de weet, wat so wat to behüden hett! Dat is'n Afkate, un weet as solker am besten, wat'n to'r rechten Tied mit 'ner ördentlichen Stänkeree mank den Partheen utruchten kann!"

Damit slööt de Börversammlung. De Oppositschoons-Mitglieder gingen nah Huuse un leggden sich alle ruhig slaapen, denn se verleeten sich för den kamenden Dag nu ganz up den Swinegel, dat de im entscheidenden Dogenblick, wie he verspraaken hadde, för jüm alle handeln wulle.

Un dat dāhe he denn oof.

## Dat ölfte Kapittel.

---

De Swinegel verhelpt dorch sien „Handeln“ der Oppositschoon tum Siege in der Domänenfrage, wat de Kamerpräsident bi'n besten Willen nich to hindern vermuggde.

**I**n de Swinegel hööl sien Woord un dat so good, wie et woll noch nie 'n Swinegel in der Ständekamer för siene Parthee dahn hett. As nämlich am nächsten Dage de Kamersitting über de Domänenfrage nu so wiet kööm, dat de letzte Redner all daröber spröök, ungefähr tein Minuten vör de Afstimmung, stünd plöpflich de Swinegel van sienen Plaze an der äütersten Linken up, gäng nah der rechten Siebe hinöber un seggde to de Mitgleeber da:

„Mit Verlööv, meine Herren! Ich wünschte mich jezt mank Sie zu setten.“

De Herren van der Rechten maakden em nich mehr as geern Plaz. Se dachden nich anners, as de Swinegel harre sich plöpflich to ehre Meinung befehrt un wööre über Nacht uut'n Oppositschoons-Mann tum



Regierungs-Mann worden. Denn so wat wöör in fröhern Tieden oof woll af un an mal mit'n Swinegel van der Linken vörkamen. — Weil disse Swinegel aberst bither de gefährlichste van alle' Opposithchoons-Männer wesen wöör, so maakde sien Öwergang to ehre Parthee jüm natürlích oof desto grööttere Freud'. Se rückden darüm glichs up ehre Bank nöhgger tofamen un leeten den Swinegel midben ünner síd dahlsetten.

„Also, verehrter College, Sie haben sich plötzlich in Ihrer Ansicht bekehrt und treten in dieser wichtigsten Staatsfrage zu unserer Partei über?“ — fragde em en Finanzrath, de links van em seet, wobi he em fründlich de Hand drückde.

„Ja woll“ — så de Swinegel — „wenn ick man wüßde, ob ick Se eegentlich hier oof willkommen bün?“ —

„O, von Herzen willkommen, zwiefach willkommen!“ — seggde en Stierrath, de rechts van em seet, wobi he oof den Swinegel de Hand drückde. — „Ich versichere Sie, unsere Freude über den Gewinnst Ihrer Person hier ist allgemein!“

Aberst de Freude schull man nich lange duuren. De Swinegel harre woll kuum eerst twee Minuten mant jüm seeten, da füng eerst de Finanzrath links an de Nähje to treden un to snüffeln, un nöhm síd 'n Pries' un stoppde síd de hinin, un denn nöhm he síd noch en Pries' un stoppde síd de oof hinin, un as dat aberst doch nicks verslöög, da stünd he sachte up van de Bank un flect to'r Ramer hinaut. Un de Stierrath rechts füng an de Nähje to treden un to snüffeln, un weil de nich mal en Tabacksnuffer wöör, so stünd de up un maakde noch gauer, dat he to'r Ramer hinunt kööm, un nah em maakde et de Drütte so van der Bank der Rechten un de Beerte un de Föste, un et duure keene tein Minuten

so wöör de ganze rechte Bank leddig bit up den Swinegel un 'n ohlen panschoneerten Justizrath achter em, de all siet tein Jahr den Stocknuppen harr un nicks mehr runken däge sietdem un wenn ook de Düwel säloft, mit allen sienen Düwelsdreck inner sidi, vör em seeten harre.

Dat Refulbad van de Sizing füll denn ook ganz so uut, wie et de Swinegel vöruut seggt harre. Als de Debatte tum Sluß güng un de Kamerpräsident, wat ook 'n Regierungsmann wöör, mit Angst bemartde, dat de ganze Bank der Rechten, bit up den ohlen stocknuppigen Justizrath un den Swinegel, leddig wöör, da schickde he den General-Zekretär in dat Restauratschoons-Zimmer hindahl, wo de ganze van den Swinegel wegstunkene Rechte seet, un leet jüm bidden, iim Gotteswillen doch gau up ehre Plätze torüggetokehren, sünst wöör de Regierungs-Parthee van der Linken överstimmt. Aberst de Mitgleeder leeten em antwoorden: „he muggde erst den Swinegel van ehrer Bank wegschaffen, denn wullen se torüggetamen. Wenn dat nich geschähe, oder wenn he sünst keen Middel gegen den Swinegel sien Stinken antowenden wüßde, denn köömen se nich, et mug davan kamen, wat'r wulle, un wenn de ganze Staat daröber to Grunde gänge!“ —

Wat schull de Kamerpräsident aberst dagegen anfangen? —

„Mein Himmel!“ — seggde he halfliefe to dem General-Zekretär, as de em disse Antwoord hinnerbröckde — „was kann ich dabei thun?! — Ich weiß nicht, wie ich ihn von der Stelle da, wo er ein solches Unglück für uns angerichtet hat, wegbringen soll. Ueberhaupt habe ich als Präsident kein Mittel in meiner Macht, ihn in dieser Hinsicht unschädlich zu machen. Ich kann dem Swinegel wohl, wenn er hochverräterische oder injuriirende Reden ausstieße, als Präsident zur Ordnung rufen und

ihm also den Mund verbieten, aber“ — seggte de Präsident achselzuckend tum General-Sekretär, wobi he eene half traurige un half lächelnde Miene maakte — „ich kann doch nicht“ —

„Ja woll“ — seggte de Swinegel, de mit sienen scharpen Gehör disse lekten Woorde des Präsidenten verstahn harre — „da hett he Recht; he als Präsident kann mi als Mitgled woll dat Muul stoppen, aberst — wie all Metternich sieners Tied richtig bemarcke: „in den untersten Regionen des Volkslebens hört alle ministeriell-absolutistische Einwirkung auf“ — — —

Innerdeß drängden de Oppositschoons-Mitgleder, dat nu endlich affstimmt wörre. De Präsident kunn sick den nich länger weddersetten. De Affstimmung güng vör sick un da uuter den ohlen stocknuppigen Justizrath un den boshaften Swinegel man noch etwa en half Duß Centrums-Mitgleder för de Regierung stimmten, so wöör dat Resultad, dat de Oppositschoon in der Domänenfrage mit eener noch gröötern Majorität van Stimmen, as de Swinegel im vöruut verspraaken harr, nämlich nich mit sief sondern mit dörtein Stimmen mehr den Sieg davan dröög.

As nu de Nahricht hievan an de Ministers öwerbröcht wörre, de jüst to 'ner Gesamt-Ministerjums-Sitzung versamelt wöören, fällen se sämmtlich vör Schreck van ehren Stöhlen.

Et duure eene tämlische Wiele, ehe se wedder to'r Besinnung köömen. De eerste van de sief Mussrifanischen Ministers, de sick wedder uprappelde un de Spraake wedder gewünne, wöör de Minister för't Innere.

„Das ist ja eine heillose Geschichte!“ — rööp he uut — „wie ich sie noch nie erlebt habe, so lange ich im Staatsdienste bin, ein oppositionelles Vorkommniß, unerhört in der parlamentarischen Geschichte aller Zeiten!“ —

„Ja, in der That, ein gräuliches Factum, dessen Folgen uns Allen, meine Herren Collegen, möglicher Weise mit einem Stöße den Varaus machen könnten, fürchte ich“ — fällt em de Minister för't Lutwärtige in't Woord.

„Wie so? Was wollen Sie damit sagen, Herr College?“ — fragde de Kriegsminister, de im Kleenstaate Muffrika, weil he da eegentlich nids to dohn un oof nids to verstahn harr, van den siefen de dümmste wöör — „ich verstehe Sie nicht.“ —

„Was ich damit sagen will? — Ich will damit sagen: daß der Fürst — welcher, wie Sie wissen, meine Herren, sich ja leider einbildet Humor zu haben und denselben bisweilen auch der Welt beweisen zu müssen — daß, wenn der Fürst von dieser — es läßt sich doch nicht abläugnen — gewissermaßen ingeniosen Oppositions-Tactik des Deputirten Swinegel Kunde erhält, daß dann, meine ich, der Fürst vielleicht plötzlich auf den Einfall käme, den Deputirten Swinegel zu sich berufen zu lassen, und schließlich gar ihn als außerordentliches Mitglied, um ihn für die Ständekammer unschädlich zu machen, mit in den Staatsrath, also recht eigentlich in unsere nächste Nähe, versetzte!“ — —

„Um's Himmelswillen! Nur das nicht!“ — schreebe de Finanzminister — „Sonst sind wir Alle verloren. Denn, würde der Swinegel unser College, das ist klar, so stinkt er in Kurzem das ganze Ministerium, das ohnedies schon seit einiger Zeit wackelt, auseinander, ehe nur irgend ein Rettungsmittel dagegen aufzufinden ist!!“

„Ich glaube, da sehen Sie doch etwas zu schwarz, geehrter College“ — meende de Minister för't Innere; — „überhaupt kommt mir jene ganze Kammergeschichte doch etwas übertrieben vor, ich meine — verstehen

Sie mich wohl! — von des Deputirten Swinegel asafötidaifcher Wirkfamkeit. — Denn, erwägen Sie nur, wenn er diese Eigenthümlichkeit in so extremem Grade besäße, wie, frage ich Sie, hätten es dann die übrigen Deputirten von der Linken, unter denen der Swinegel nun schon wochenlang seinen Sitz inne hat, es nur in seiner Nähe aushalten können?!" —

„Die?!" — ja mit 'ner ganz astokratisch verächtlichen Miene de Minister för't Uutwärtige, wat de ölfte Eddelmann van de fiese wöör un oof de am meisten adelstolte van jüm — „die Mitglieder von der Linken, fragen Sie — wie die es in seiner Nähe haben aushalten können bis jetzt?! — Das ist ja sehr erklärlich — die Kerle stinken alle!" —

„Morjen!" — grüßde da plötzlich de Minister för't Innere siene Collegen sehr luut, greep sienen Hoot up un rennde to'r Döhr hinaut, as ob jüst de Blitz in't Zimmer inslaen harr. —

„Was fällt denn unserm bürgerlichen Collegen für das Innere ein, daß er sich auf einmal und so bräsk von uns verabschiedet?" — fragde erstaunt de Minister för't Uutwärtige. —

„Lieber Freund" — antwoorde de Finanzminister — „Sie haben ihm mit Ihrer Bemerkung über die Linke gewissermaßen geradezu in's Gesicht geschlagen; — haben Sie denn nicht beobacht, daß unser bürgerlicher College des Innern früher als Deputirter selbst zur Opposition gehörte und auf den Bänken der Linken mit saß, ehe wir — eben um ihn für unser System unschädlich zu machen — seine Berufung in's Ministerium bewirkten?!" —

„Verflucht!" — sa de Minister för't Uutwärtige — „daran hatte ich gar nicht gedacht. — Wenn er nur nicht dafür auf Rache wider uns sinnt?" —

„Ich fürchte, unser bürgerlicher College, der Minister des Innern, geht jetzt direct zum Fürsten, — dann aber fürchte ich für uns Andern Alles — vom Humor des Fürsten — wiederhole ich — selbst das Schrecklichste“ — setzte aufsteigend der Finanzminister hinzu.

„Ja wohl, es ist schrecklich“ — flößt der Minister für't Aukwärtige, — „wenn ein Land einen Fürsten hat, der Humor hat und dazu grob ist.“ —

Damit stürmen sie up un verleeten dat Sitzungs-Zimmer mit Gesichtern sämmtlich, as ob jüm Allen der Petersilje afhagelt wöör.

## Dat twölfte Kapittel.

---

Wie de Fürst van Aussenrika den Swinegel to sich ropen leet, un wat he em vör en Anerbeeden maakde.

**W**ie hewwt hört, dat de Fürst, as he domals de Nahricht erhöölde, dat se den Swinegel in sienem Amtsbezirk tum Deputeerten erwählt harren, sienem Hofmarschall anschreebe mit den Woorden: „Ich will allein sein!“ — un darup in deepet Nahdenken versünt. — As de Fürst nu disse tweede Nahricht erhöölde öber den Sieg der Oppositschoon in der Domänenfrage, schreebe he sienem Hofmarschall un dat Gefolge noch ballstüriger an un rööp: „Fort! Hinaus! Ich will ganz allein sein!“ — Un darup versünt he in noch deeperes Nahdenken. —

Nahdem he sief Minuten nahdacht harr — denn länger pleggde he dat niemals to dohn, oök öber de wichtigsten Staatsfragen sich — sloitje he dreemal up’n Duhmen, wat bi em dat Signal wöör, dat de Hofmarschall kamen schull. Denn he kummandeerde sienem ganzen Hofstaat mit dat Floitjen up’n Duhmen. Genmal Floitjen wöör för siene Hunne,

tweetmaal Floitjen gúlde för den Kamerdeener, dreemaal Floitjen för den Hofmarschall u. s. w. De Fürst floitje also dreemaal up'n Duhmen un de Hofmarschall treede rin. Nahdem he sienen Krasfoot maaket harre mit'r Nähse bit to'r Erde un sich wedder half uprichtet, spröök de Fürst:

„Deputirten Swinegel sprechen wollen! Hinfahren mit Hofkutsche! Gleich kommen!“ — Darup maakde de Fürst mit den Lippen den Ton „Pfütt!“ — wat för den jäst bi em Anwesenden so veel bedüde, as: „Marsch! Furt!“ — oder „Hol Di jo nich up!“ — De Fürst harr sich, wie wi all wetet, Eeniges van groote Regenten der Vörtied angewöhnt; un so harr he sich, tum Bispill, van Friedrich den Grooten dat korte afgebratene Spräken angewöhnt, weil he den jänst oök nicks Besonderes nahmaaken kunn. Dat Pfütt! wöör aberst siene eegene Erfindung, un de gefüll em so good, dat he sich in Stillen wundere, dat andere Fürsten em dat wenigstens nich all wedder nahmaaket harren. — Na, villlicht geschüht et nu aberst doch noch van eenen oder andern Regenten, de disse Geschichte list.

As de Hofmarschall in de Dattkamer rintrede, wo de Swinegel sien Loschie nahmen harr, nahdem de Swinegel up sien Ankloppen: „Hin! Wenn't keen Enieder is!“ — roopen harr — da stuhde de Hofmarschall, denn de Swinegel seet mit'n blooten Hindern up'n Bedde un sliedde jäst siene Böckse. As nu de Hofmarschall siene Meldung van den Fürsten vörbröchde, sä de Swinegel:

„Ja woll, Herr Kamerdeener.“ —

„Ich bin Hofmarschall“ — sä de Hofmarschall mit Nahdruck.

„Na, dat kummt bi Ehren Herrn woll tämlich up Gens hinuut. — Aberst mienetwegen oök dat. Also Herr Hofmarschall! — Se mötet



sich en Dogenblick gebulden, bit ick man eerst miene Böckse heel hewwe. — Ja, dat wundert Se woll, dat Se mi hier so sehet“ — sette he drup hinto, as he den Hofmarschall siene erstaunte Miene bemerkte. — „Aberst, dat is dochjuut nich tum Verwundern. Denn, sehn Se, disse ohlen vermuckten Kamersittungen, de de Deputeerten sowoll wie de Regierungs-Kumfärs doch ehr unnühet Snacken so dunnerwehrsich in de Länge trecket, — da ritt Enen nich bloot de Geduld, sondern oof de Böckse bi entwei. Man mutt se sich wenigstens toleht dabi twei sitten, un wer denn überhaupt man eene Böckse hett, wie ick, de mutt se sich sülost flicden. Un dat schimpet oof nich, nah dem Sprickwoord „Arbeit schimpet nich!“ — Un denn überhaupt hett all mancher groote Mann dat sülost dahn. — So hett, tum Bispiell, de nahherige König Lui Filipp van Frankriek, as he während der Revolutschoons-Zieh, as verbannter Prinz Orleans, in der Sweiz as Schoolmester sich sien Brod verdeenen müßde, sich domals oof männigmal sülost de Böcksen flicket un noch de Strümpe darto stoppet.“ —

Damit nöör de Swinegel mit siene Arbeit fertig worden, töög sich siene Böckse an, sodann sienen Rock, nöhm sienen Hoot un spröök: „So, nu künn wi gahn, Herr Erlenz!“ —

De Beiden steege nu de Trepp' hindahl; en fürstlichen Lakai maakde jüm de Huusdöhr up, sodann den Rutschenslag, de Swinegel steege toerft hinin — denn he wüßde ganz good, dat bi solken Gelegenheiten en Deputeerter jümmer vör alle Höflinge den Vötritt hett; — de Hofmarschall steege denn oof in, un so föhrden de Beiden denn to Hofe.

Als de Hofmarschall mit den Swinegel, dissen wedder vöran, tum Fürsten in sien Audienzzimmer trede, spröök de Swinegel:

„Gu'n Morgen, Herr Fürst Durchlaucht! Da bün id. Wat steiht to ehren Befehl?!“ —

De Fürst maakte gegen den Hofmarschall „Pfütt!“ — worup disse slünigst hinuutspazeerde. Denn de Fürst plegge niemals to Eenem van siene Lübbe tun tweeten Male Pfütt! to seggen. Tröste Gott, wenn dat villicht Eener van jüm mal överhören dāhe un nich stracks gūng, denn suet de Fürst jüm gliets wat an'n Kopp, sienen Schoh, oder sien Zepter oder 'n hals uutgelauten Appel oder sünst so wat. Mit Pfütt! kreeg he darüm Alles, wat he bi sich nich länger hebben mull, weg; bloot de Ständeversamlung, de kunn he mit sien Pfütt nich wegstriegen, wat oot lebenslänglich sien Ärger wōdr.

As nu de Fürst mit den Swinegel alleen wōdr, sprōōf he:

„Sage Er mir, wie ist es möglich gewesen, daß ich mit meiner Regierung in dieser mir wichtigsten Sache, bei der Domänenfrage, in der Ständekammer eine Niederlage erlitten habe?!“ —

„Dat kommt daher, Durchlaucht“ — antwoorde de Swinegel — „weil eure Ministers Schaapsköpfe un eure Beamten Vangeböcksen sünd!“ —


„Wie soll ich das verstehn?“ — sä de Fürst — „erkläre Er mir das näher!“ —

„Dat is so to verstahn, Durchlaucht, dat eure Ministers et up eene ganz dunmerhafte Wiese anfangen hewwet, disse Domänenfrage vōr de Kamer to bringen.“

„Aber wie hätten sie es denn anders machen sollen, dieselbe vorzu- bringen?“ — sä de Fürst.

„Eure Ministers harren, bevor de Kamer tosamentrede, een e öffent- liche gedruckte Auspraake in Tausenden van Exemplaren, an dat Volk

gerichtet, müßten im Lande verbreitet laaten, worin se et dem Volke untenantersetzten, dat et höchst ungerecht un unzweckmäßig wöör, dem Fürsten siene Domänen to nehmen un em dafür up eene Zivilliste to setten, un dat de Fürst sich dat nich gefallen laaten kunne, wenn he nich süloft siene monarchische Unafhängigkeet rungencereen wulle.“ —



„Und Er meint, eine solche vorgängige Ansprache hätte geholfen?“ —  
saggde de Fürst.

„Ganz gewiß. Wenn ick ehr Minister wesen wöör, ick harre eene  
solke Anspraake an dat Volk erlaaten, un Se schullen mal sehn hebben,

et harre hulpen. Denn dat Volk, Durchlaucht, mötet Se weten, hett nich bloot gefunden Minschenverstand, sondern oof Gerechtigkeitsgeföhl. Un dat Volk will darum nich, dat siene Fürsten to blooten Beamten oder gar to Speelpoppen van de Aristokratie herafdrücket warret, dat Volk wünschet darum, dat siene Fürsten in ungesmälerter Hoheit un Ansehn verbliewet, un lett den Fürsten darum gewiß geern siene Domänen un anderet angestammtet Familjengood, wenn et den Volke man recht vörstellet ward.“ —

„So? — Hm!“ — seggde de Fürst un versünt wedder in en lütjet Nahdenken. Nah ’ner Minute fahre he empor un spröök:

„Und geseht, Er würde heute oder morgen mein Minister, getraute Er sich alsdann, als solcher die Domänenfrage von Neuem für mich aufs Tapet zu bringen und zwar dieselbe siegreich für mich durchzuführen?“ —

„Wat, Se mi to Ehren Minister maaken?“ — lachde de Swinegel — „dat is doch woll man Ehr Spaß?! — Wat wullen da woll Ehre Kollegen, de andern dütschen un europäischen Fürsten, to seggen, wenn Se den Swinegel to Ehren Minister maaken dāhen!“ —

„Laß sie sagen, was sie wollen“ — schreebe de Fürst — „wenn ich nur meine Domänen wiederkriege. — Ich bin kapabel, dafür nöthigenfalls meinen ganzen Hofstaat aus lauter Swinegeln zusammenzusetzen! — Und überhaupt, lieber Freund, was glaubt Er? — Denkt Er etwa, daß Er der Erste seiner Art auf diesem Posten wäre? — Ich sage ihm, die Fürsten haben seit Salomo’s Zeiten von jeher mehr Swinegels zu Ministern gehabt, als ihre Völker und ihre Geschichtschreiber nur Ahnung davon hatten! — Freilich waren es meist nur heimliche Swinegels und die sind viel schlimmer als die offenbaren Swinegels.“ —

„Ja, da möget Se woll nich Unrecht hebben“ — sä de Swinegel

— „un Se meenet nu, weil id 'n offenbaren Swinegel bân, so muggden Se et mit mi woll mal versöden?“

„Ja woll, das meine ich“ — så de Fürst — „also sage Er, will Er mein Minister werden, natârlîch mein Premier-Minister, der ein ganz neues Cabinet bildet, — und mir als solcher dann meine Domänen wieder verschaffen? — Sage Er „Ja“ zu Beiden! — Ich bitte Ihn herzlich darum; ich weiß mir sonst wahrhaftig nicht mehr zu helfen.“ —

„Na denn, in Gottes Namen, et mag sien. Obschoonst id et nich geern dohe, mi uut mien lûtjet Familjenglûck, uut mien stillet bithreriget Swinegel-Leben heruuttrede un mi in den Strudel der grooten Welt smiete, so mag et doch darûm geschehen. Wellet et doch dat Glûck mienes Vaderlandes un mienes Fürsten, wat in jedem gooden Staate eens sien mutt. Id nehme also den Posten an un will Ehr Premier-Minister worden, aberst nur ûnner eenigen uitdrûcklichen Bedingungen!“ —

„Und was wâren denn das fûr welche?“ — så de Fürst — „rede Er!“ —

„Gerstens“ — seggde de Swinegel — „dat Se mi van jekt an un in alle Tokunft nich mehr per Er anredet. Dat is jekt nich mehr an'r Tied. — As wi Buuren noch luuter Meyers wöören, as Hörige un half Lieweegene den Eddellûhden un Ribbergoodsbesitzern ûnnerdahn wöören, da mußden wi uns dat woll gefallen laaten. Dat is aberst vörbi siet der Afslösungsordnung. Siet de Buur dorch disse een freer Mann un en freer Besitzer sienes Grundes un Boddens, überhaupt sienes Gegendohms worden is, mit eenem Woord, siet de Buur nich mehr des Edelmanns Knecht is, will he überhaupt keenes Mînschen Knecht mehr sien, un lett sîd darûm van Keenen mehr, un wenn et sülöst sien Fürst wöör, per

Er titulceren. Un fließlich, Durchlaucht, mötet Se dat Er-Nennen Friedrich den Großen nich nahmaaken, da Se em doch fünst nicks nahmaaken sünnt, wie ick glöwe.“

„Das ist kein Compliment für mich, wenn Sie das glauben“ — lächelnde de Fürst, de all anfäng, dorch den Swinegel sienem gefunden Verstand good gestimmt to warden.

„Nä, dat schull et ook nich sien“ — seggde de Swinegel — „up Kumpelmente künnt Se überhaupt bi mi nich veel räken. Dat is eenmal nich sehr gebrülich in miener Familje.“ —

„Schon gut!“ — sä de Fürst — „die erste Bedingung also ist zugestanden. Und welche wäre die zweite?“

„Dat wi Beiden in uhßen Umgang überhaupt nich to intim mit enanner warret! — Denn dat dögt nicks twischen Herr un Deener. Beide mötet sück nich mit enanner gemeen maaken. Dat nümmt fünst jänner en slechtet Ende, un de Wirthschaft litt darünner. Ik nenne Se also Durchlaucht, un vör den Lühden un überhaupt öffentlich nennt Se mi „Herr Minister“ oder „Herr Swinegel.“ — Willt Se — ick meene, wenn Ehr Hart Se später villicht darto drängen schull — af un an ook mein lieber Swinegel to mi seggen, so möget Se dat mienetwegen ünner veer Dogen dohn. Aberst vör den Lühden seeg ick et eegentlich nich geern. Et is mi to familjär; un denn klinget et überhaupt ook nich hübsch, wenn en Fürst öffentlich sienem Minister so nennet. — Wat dat Duken anbedrüppt — ick meene, wenn Ehr Hart Se ook villicht später darto drängen schull, so wie et dem Herzog August van Weimar mit sienem Fründ Göthe güng — so, meene ick, maaket wi et denn ook jüst so wie disse Beiden; also bloot ünner veer

Dogen dat Leed angestimmt „Bruder, ich und Du — Wir saufen immer zu!“ — vör der Welt aberst per Sie!!“ —

„Sehr richtig“ — sä de Fürst — „was Sie da sagen, sehr richtig das! — Auch diese Bedingung gebe ich zu. Und nun lassen Sie mich die dritte Bedingung, die letzte, hören!“

„De brütte Bedingung is de“ — seggde de Swinegel — „dat, wenn ick mal enes Dages uphöre, Ehr Minister to sien, ick also entweder Se nich mehr deenen will, oder Se mi nich länger beholen wüllt — dat ick denn keene Ranshou hebben will, sondern för beide Fälle in vörunt darup verzichte!“ —

„Wie?“ — seggde de Fürst erstaunt — „Sie wollen, wenn Sie als Minister freiwillig abgingen nicht nur, sondern auch, wenn ich Sie Ihres Amtes enthöbe, — dann keine Pension oder überhaupt Jahrgehalt annehmen?“ —

„Nä“ — seggde de Swinegel — „wenn ick sülvst mien Amt nedderlegge, also nicks mehr mit Se to dohn hebben will, denn mag ick oot Ehr Geld nich mehr; un wenn Se mi entlaetet — wie dat in solten Fällen de gängige Nutdruck is — wenn Se mi also den Looppaß gewet, denn will ick mi eerst recht nich mehr en Stück Gnadenbrod in den Hals stäken laaten.“

„Aber was wollen Sie denn anfangen, wenn Sie kein hinreichendes Privat-Vermögen haben, was ich doch bezweifeln muß — wie wollen Sie es dann anfangen, als ehemaliger Minister nachher standesmäßig zu leben?“

„Wenn ick denn nich mehr standesmäßig lewen kann, so lewe ick denn bloot mäßig. De Saake is ganz eensch, Durchlaucht. Ik kehre

in mienen früheren Stand torügge. Ik höre up, en grooten Swinegel to sien, un warre wedder en lütjen Swinegel!“ —

„Sonderbarer Schwärmer!“ — rööp de Fürst, wobi he den Swinegel verwundert anlickde.

„Datfülvigte seggd König Philipp to Marki Posa, as he em oof nich begriepen kunn“ — bemerkde de Swinegel.

„Wie? — Sie haben den Don Karlos gelesen? — Sie kennen also Schiller?!“ —

„Nu, Durchlaucht, Se hebbet doch vörhin höret, dat id Göthe kenne; also mutt id doch Schillern oof woll kennen. Denn Göthe un Schiller de höret jo doch tofamen wie dat ohle Testament un dat neee Testament. Ik kann Se seggen, id heww nich bloot dat Truerspill „Don Karlos“ lesen, sondern et oof oftmals in't Hoftheater upföhren sehn; un id heww jedesmal, wenn id da haben up'n Fiesgroschen-Platz up der Gallerie seet, miene hellen Thrauen bi der Stelle weent, wenn Posa tum König seggt: „Sire, geben Sie Gedankenfreiheit!“ — weil id jo doch wußde“ dat he et nich dāhe.“ —

„Unerhört! Außerordentlich! Noch nicht dagewesen!“ — schreebe de Fürst. — „Noch nie habe ich gesehen, noch nie auch davon gehört uur, daß im ersten Rang Jemand über das Schicksal Posa's geweint hätte, und auf der Gallerie sitzt der Swinegel und weint über Posa!! — Kolossal! Das ist Humor der Weltgeschichte!“ —

„Ja, nun ich das höre, wundere ich mich über nichts mehr“ — fahrde drup de Fürst foort. —

„Abgemacht! Sie werden mein Minister! Alle Ihre Bedingungen sind zugestanden.“



„Nein“ — sette drup de Fürst nahdentlich redend hinto — „nun ich das von Ihnen weiß, wundere ich mich über nichts mehr, wundere ich mich auch darüber nicht mehr, daß Sie — als abgehender Minister — keine Pension annehmen wollen!“ —

Dabi steeg de Fürst van sienen Thronseffel herbahl, reckde dem Swinegel siene Hand hin un spröök, wobi he em nahdentlich anblickde, in fierlichem Tone: „Swinegel, ich glaube, Ihr seid ein großer Mann!“ —

De Swinegel aberst slöög nich in den Fürsten siene uutgestreckte Hand in, sondern seggde: „Durchlaucht! Dat is vör de eerste Audienz all to familjäär! — Späterhin villicht, wenn wi uns eerst nöhrer kennt un weetet, dat wi enanner achten künmt.“ —


Damit maakde he sienen Krazfoot un gäng.

Unnerweges spröök de Swinegel bi sik: „He hett to mi seggt — Ich glaube, Ihr seid ein großer Mann!? — Ja, dat en „großer Mann“ manchmal mitünner all en Swinegel wesen is, so veel herw id mi hie un da ool all uut den Böökern der Geschichte tofamen lesen. So herwvet sik bekannlich de ohle Napoleon un Metternich biswielen hinderrücks so schimpet — un herwvet ool woll Beide nich ganz Unrecht hatt. — Aberst dat 'n Swinegel irgendwo en „großer Mann“ worden is, davan herw id doch bither noch niemals wat höret. — Da wööre id denn gewissermassen de eerste disseer Art. Ob mi dat mäglich sien ward, as Minister ool en „großer Mann“ to sien, dat weet id nich. — Aberst as Minister en grooter Swinegel to sien — dat, glöwe id, warre id ool woll so good to Stande kriegen, als mancher Andere up dissen Posten“ — slööt he sien Selbstgesprääk. —

---

## Dat dörteinste un lehde Kapittel.

### Swinegel's Ende.

ree Jahr lang wöör de Swinegel nu all Minister wesen un Alles wöör good gahn. De Fürst wöör tofreden, denn he harr siene Domänen wedder kregen, un dat Volk wöör tofreden, weil et se dem Fürsten freiwillig torügge gewen harr, up den Swinegel sien Toreden, worunt man sehn kann, wat'n Fürst Allens van siene Innerdahnen erlangen kann, wenn he man den rechten Mann tum Minister hett. He mutt man in der Nutwahl darto sück vör der Welt nich scheneeren. —

Im Öbrigen herrschte ünner det Swinegels Ministerjum Frieden un Ruhe im ganzen Lande un de Wohlstand nöhm darin jümmer mehr to. Dabi wöör de Minister vör jeden Minschen, de en Anliggen harre, to jeder Dagesstünn' sülvst to spraken. Gegen de vörnehmen Lühde aberst wöör he stolt un gegen de geringen Lühde fründlich.

In sienen Huuswesen harre de Swinegel, sietdem he Minister wöör, wenig verändert. Wenn he sück oök nich sülvst mehr de Böcke flicke, so

lewde he mit siener Familje doch fast eben so eenschach wie fröher. Det Middags Speck un Klütjen un des Abends Bellkartüffeln mit'n Hering wöör noch jümmer sien Lievgericht.

De Fürst harre sich aberst so an den Swinegel gewöhnt, dat he gar nich mehr ohne em leben kunn. Wenn de Fürst mal hypofonderch wörre, an welke Krankheit he wi alle groote Herren af un an lieden dähe, deun müßde glichs sien Minister Swinegel kamen, denn de müßde solke Snurren to vertellen un solke gesunne Wige to maaken, dat de Fürst glichs wedder lustig wörre un lachen müßde, he mugg wollen oder nich. Am meisten amüßerde sich de Fürst, wenn Hofball wöör, un de Swinegel danzde denn mit de hochnäfigen abligen Fröölens un Damens; denn de Swinegel wöör, wie in sienen jungen Jahren up'n Dörpe, noch jümmer en ganz iwriger Tänzer. Namentlich danzde he gern de Klappdrillje un den Dreißer, mobi he siene Dame denn oftmals in der Luft um sich rüm-swenkde, dat se nich mit den Beenen to'r Erde kööm, so wie et up'n Dörpe Mode is, woto de Hoffröölens natürlich en suuret Gesicht maakden, woröber de Fürst aberst jedesmal so lachen müßde, dat he sich den Buuk hölde un em de hellen Thranen öber de Backen rünnerleepen.

So wöör denn ünner dit Swinegel-Ministerjum dat Glück in dissen Lande allgemeen, denn wenn de Fürst vergnöögt un dat Volk tofreden sien kann, wat wüllt se denn mehr?

Aberst wie keen Glück up Erden lange duurt, so schull et oof mit dat Swinegel-Ministerjums-Glück in dissen Lande sien.

Genes Abends spät — et wöör in jener stillen Rußestünn', wo de Swinegel sich nich mehr mit Staatsgeschäften, sondern bloot noch mit poetsche un filosofsche Arbeiten to beschäftigen pleggde, intbesondere aberst

mit der Uutarbeidung eener verbeterten Uitgave van Kant's Werk „Vom Ewigen Frieden“, womit he de Welt eindelijk van allet Elend to kureeren hapede — da, während he jüst up't iwrigste öber disset schönste Werk sienes Lebens klawüßern dāhe, wörre em plötslich de Athen to knapp, he snappde eenigemale nah Luft, denn rööp he: „Nu gaet der Ratte de Haare uut!“ — damit füll he van sienen Stohl un wöör dood. De Slag harr em röürt.

As nu aberst den Swinegel siene Froo up dat Bumsen van sienen Fall herbiloopen kööm un seeg, dat ehr Mann dood wöör, da wende se lange un uprichtig. As se nu aberst uutweent harr, spröök se, ehren dooden Mann anblickend: „Dat kummt darvan. Ich dachte et jo woll, dat et so kamen müßde. Disse Karrjehr wöör nids för di, mien goode Vader. Dat Hofleben hult en Swinegel diener Art nich lange uut. Darto mutt Eener baren un tagen sien. De veelu Hofdinehs, de du mit heft biwahren müßt, mit de grooten Bradens un fetten Rubbings, überhaupt dat geile Eeten da an de fürstliche Tafel, dat kunnst du nich verdreegen; davan wörrest du vör der Tied fett un dick un dien Moot mit, un davan heft du nu den Slag kreegen, so dat du nu in dienen besten Jahren all heft dienen Dood sunnen. Ja, so is et. Wer van Herkunft en lütjen Swinegel is, de mutt sich nich in dat groote Swinegel-Leben verstiegen. Harrst du dat nich dahn, kunnst du noch leben. So heft du di vör't Vaderland upopfert, dat is wahr, un dat deiht nich jeder Swinegel. — Aberst du heft doch nu dienen fröhen Dood darvan. Dat kummt darvan.“ —

De Fürst aberst wöör, as he de Nahricht van den Swinegel sienen Doode kreeg, noch fast untröstlicher as den Swinegel siene Froo. Dree

Dage lang eet un drüñk he nich, güñg in sien Kabinet up un dahl, rüñg de Hāñde un rööp in Eenen foort: „Mein Swinegel! Mein Swinegel! Wer giebt mir meinen Swinegel wieder! — Ich bin ein verlornor Mann ohne ihn!“ —

Worut man sehn kann, dat sich sülost en Fürst mitünner so an'n Swinegel gewöhnen kann, dat disse em ganz unentbehrlich ward.

Am veerten Dage aberst leet de Fürst em en Liekenbegängniß anordnen, so grootartig un fierlich, wie man irgend möglich. Denn he wull dissen Minister noch im Doobe so ehren, wie noch keen Anderer vör em wöör ehrt worden.

As aberst dat Liekenbegängniß to Enne wöör, wat de Fürst, heemlich dicke Thranen vergeetend, achter de Gardien' van sienem Finster uut mit ansehn harr, güñg he in sien Kabinet, sette sich da alleen hin un füng an nahtodenken, wat ditmal länger duurde, as je vörher bi em en Nahdenken stattfunden harr. Endlich fahrde he mit eenen deepen Seufzer uut sien Nahdenken up un spröök:

„Ja, so ist es. — Swinegel sind sie alle, alle, alle! — Die meisten von ihnen aber, die meine Diener, sind heimliche Swinegel, und das sind die gefährlichsten für Fürst und Volk, für die Menschheit. — Mein Swinegel aber war der beste, denn er „wagte zu scheinen, was er war,“ er war ein ehrlicher Swinegel. Und darum konnte er auch so lustig sein; denn nur der Ehrliche hat das wahre Recht und damit die wahre Fähigkeit lustig zu sein. — Ruhe seiner Asche! Ehre seinem Andenken. — Aber ich will ihm einen Leichenstein setzen und darauf sollen die Worte geschrieben stehen:

„Hier ruhet der treueste Unterthan und der beste Minister.  
„Er war der einzige wahre Freund, den ich im Leben hatte.  
„Und er war ein Swinegel!“

Swinegels Froo graambe sich bald to Doobe un folgte ehren Mann bald nah in jene Sfären, wo alle Swinegelee uphört. Siene nahgelaatenen söß Jungens aberst deelden sich in dat väderliche Vermögen, gängen up Schoolen un Unerverfätäten, wo se Stipendjen un Freedische van den Fürsten beköömten — denn de wulle dorchuut, dat disse Art den Staatsdeenste erholen blieven schulle; — so köömen se denn alle höhger hinup, breedten sich jümmer wieder uut, kortum, disse Familje vermehrte sich van Jahr to Jahr jümmer mehr un wörre endlich an Tahl wie Ansehn so stark — dat et in uhßen Dagen fast keene Stadt un keen Döörp in'n Staate Nuffrika mehr givt, wo nich jezt irgendwo en lütjen oder grooten Swinegel in Amt un Würden fitt! —



# Swinegel as Deputeerter.



„Ja, Se wundert sik woll, Herr Kamerherr Exleuz“ — sä de Swinegel — „dat Se mi hier so sitten seht? Aberst dat is ganz natürlich. Bi de ohlen Kamer-sittungen, de de Deputeerden sowol as de Regierungskumhärd mit ehre vermudten Aeden so dunnerwehrsich in de Länge trecket, da ritt Eenen nich bloot de Geduld sondern ook de Böcke bi entwei, un wenn'n denn man eene hett, wie ik, so mutt'n se sik woll sülvst stiden. — Also mötet Se sik en betien gedulden, bit ik dat Oppositschöons-Rok hier toneiht heiwie.“ — —









